



3 lucky winners will WIN A RETURN TRIP TO WATCH MANCHESTER UNITED IN SYDNEY

PRIZE INCLUDES

- » 1 Game Pass
- » Travel Allowance
- » A return ticket
- » Accommodation for 2 nights

Visit your nearest Telkom Shop now!

24/7 Customer Care Call 345 6789 or www.telkompng.com.pg

KAMAP SMART WANTAIM NIUPLA SMARTPHONE

Kisim niupla Nokia Asha 311 or Blackberry 9320 smartphones na sekim internet tudel.

Sizzling Deals wantaim Digicel tasol



Nokia Asha 311
3.15 MP Camera
MP3, MP4, DivX
Email, Java, S-MMS
YouTube, Facebook

K299



Blackberry 9320
Email, SMS, MMS
3.15MP Camera, LED Flash
Document viewer

K499

Digicel

INSAIT

Moa long
K600m
Takis Kredit
Skim mani
lus long
wok
divelopmen

P2

**Pablik
sevis
i slek...**


Polis mekim
wok
painimaut...

P7

Laipstail

Selebretim
via bilong
Snek long
Basamuk..

P15



Moa stori long nupela
Pop long pes 4 na 5...

Narapela kain Pop

Nupela Pop Francis i givim blesing long pipel bihain ol i tokaut olsem em i kamap Pop. Em i wanela man i gat daun pasin, husat i save raun lukim na miks wantaim ol pipel na ol turangu long ol setelmen, raun long PMV bas, wasim klos na kuk bilong em yet. Vatiken bai lukim sampela senis long kain stap na lidasip stail we i moa open. *Poto: AAP*



Tom Piper
Braised Steak & Onions

Teis i stap long bipo yet!!

Plantim mit na Swit Moa!

BILIP I STRONG

Dispela wik, kantri Ajentina i lukim namba wan pikinini man bilong ol i kisim wok na luksave olsem Pop o hetman bilong Katolik Sios long wol. Long Tunde dispela wik, Pop Francis i kisim luksave na wok olsem nupela hetman bilong Katolik Sios. Ol bilip manmeri long asples bilong en, long Ajentina, i bin lukluk bihainim inoguresen o opisal makim bilong em long ol bikpela televisen skrin long kantri bilong ol. (POTO: AAP IMAGES)

Lukim ol nius bilong en long pes 4 na 5



Moa long K600m Takis Kredit Skim mani lus long wok developmen

Stanley Nondol i raitim

BIKPELA tok pait bin kamap aste long palamen, bihain long Minista bilong Nesenel Pening, Charles Abel, long namba wan taim, i autim ripot bilong Takis Kredit Skim o TCS na tok klia olsem moa long K600 milian i lus pinis long ol bikpela kampani long wok developmen insait long 22 yia.

Planti memba i tok strong na autim belwari olsem ol bikpela kampani bilong maining na petroleum, na long agrikalisa na turisim, i no yusim gut mani, na tu, ol i no save mekim gutpela wok long takis mani bilong gavman, we ol kampani yet i save lukautim long stretim rot, bris, skul, haus sik na long bildim ol gavman sevis long eria we ol i mekim bisnis.

Takis Kredit Skim i bin stat long 1992 bihain long gavman i kamapim loa aninit long Inkam Takis Ekt, long ol kampani i ken yusim 0.75% bilong kampani takis long kirapim wok developmen long ol eria

we risos i stap, na ol mekim bisnis. Tasol nogat wanpela ripot i bin kamaut long tok klia long pablik long hamas mani ol dispela kampani i yusim na wanem wok ol i bin mekim, inap long aste.

Minista Abel i tokaut long dispela aste, na opim ai bilong ol memba.

Minista bilong Fainens, James Marape, i tok plen bilong wanwan distrik na provins i mas bihainim plen bilong TCS, long ol i ken kisim mani halivim long TCS, long kirapim wok developmen.

Tasol plenti memba i tok ol kampani i no save tok klia long distrik o provinsal gavman bilong ol risos hap, na save mekim wok long laik bilong ol yet, na ol pipel save ting dispela em mani bilong kampani i mekim wok na i no bilong gavman.

Long ripot bilong em, Minista Abel i soim olsem namel long yia 1992 na 2012, ol bikpela kampani go pas long wok mining na agrikalisa, i yusim K643.8 millian long kamapim 423 projek long 12-

pela provins insait long kantri.

Tasol plenti memba i no bin wanbel long hau ol kampani save yusim takis mani long kirapim developmen, na tok strong tru long bikpela senis mas kamap long polisi bilong Takis Kredit Skim long mas i gat luksave bilong gavman long dispela ol mani bilong takis.

Minisat bilong Pablik Entaprais, Ben Micah, na Minista bilong Agrikalisa, Tommy Tomscoll, i tok strong long gavman i mas rausim Takis Kredit Skim na larim mani mas kam stret long gavman baset.

Minista Tomscoll i tok taim gavman i rausim Takis Kredit Skim, bai kantri i lukim reveniu o winmani tru bilong gavman bai go antap moa na mani bai go stret long pipel.

Minista Abel i tok ol bikpela kampani husat i yusim dispela takis mani long mekim wok developmen em Pogera Join Vensa o PJV, Nu Briten Pam Oil o NBPOL, Oilsearch, Ok Tedi Mining, Ramu Agri Industri Limited, Hargy Oil Palm Limited, na Lihir Gold.

PM i no amamas long BHP

Stanley Nondol i raitim

PRAIM Minista Peter O'Neill, i tokaut olsem gavman bilong em bai no inap sainim lis agrimen wantaim BHP, kampani husat i mekim wok maining long OK Tedi, long kamap trasti bilong PNG Sastenabol Developmen Program, taim lis bilong ol i pinis.

Praim Minista O'Neill i mekim dispela toktok bihain long NCD Gavana, Powes Parkop i skim em long dispela liklik gel long

Westen Provins husat i dai long sik kensa long Cairns haus sik long las wik taim PNGSDP bilong Ok Tedi Maining, i gat K1.2 bilen stap long akaun.

Mista O'Neill i tok BHP em trasti bilong PNGSDP, na taim ol i no lukluk long givim mani halivim long sevim laip bilong wanpela olsem dispela liklik gel bilong Westen provins, em i soim olsem ol i no yusim mani long stretpela rot.

Em i tok strong olsem BHP bai nonap kamap

moa trasti o wasman bilong lukautim mani bilong PNGSDP.

Em i tok gavman bai nonap sainim lis agrimen taim lis bilong ol i pinis.

Em i tok moa olsem bikpela milian kina manim mak, em ol i save peim long ol konsalten bilong ol, na wok i no save kamap. Em i tok PNG gavman bai makim ol bod na wokman bilong PNGSDP, na gavman bai menesim na bai mekim ol gutpela disisen long halivim ol pipel.

Ol eks-ami mas wokbung long stretim klem mani bilong ol

Stanley Nondol i raitim

MINISTA bilong Difens, Dokta Fabian Pok, i tok ol eks-sevisman o bipo ami husat i wok long pait hat long kisim pinis pe bilong ol i mas wokbung gut wantaim ol mausman long mekim isi long dipatmen bilong em long lukluk long hevi bilong ol.

Ol eks-ami i wok long pait hat wantaim gavman, planti yia pinis, na lukim sampela bilong ol i dai pinis, taim ol i wetim yet dispela pinis pe bilong ol.

Minista Pok i tok nau yet, i nogat tok klia long wanem taim stret, bai ol i kisim mani, bilong awnem, ol i gat planti grup, na

planti konsalten, na tu, planti loya, we ol tok ol i makim ol eks-sevisman.

Na tu, ol dispela lain i gat planti nem lis bilong ol eks-sevisman na em i paul wantaim sampela husat i kisim mani pinis, na sampela no inap kisim na sampela bai kisim long en.

Minista i tok dispela i mekim hat tru long luksave long husat tru em trupela man i makim ol eks-sevisman.

Em i tok ol bikman long dipatmen bilong difens nau i lukluk long dispela hevi na singaut long ol eks-ami long mas makim gut ol mausman na bai mekim isi long wok bilong em.

AGMARK MACHINERY
SIMPLICITY BY DESIGN

JCB
FOR ALL YOUR MACHINERY NEEDS

For Excavation & Compaction
JCB have YOU Covered

machinery@agmark.com.pg

PORT MORESBY 323 5572 | LAE 472 6324 | KOKOPO 982 8748

Gavman mas stretim kwik Pablik Fainens Ekt - TIPNG

TRANSPARENSI Intanesenel PNG (TIPNG) laikim bai gavman i mas hariap na stretim ol asua long Pablik Fainens (Menesmen) Ekt bai planti bilian kina i noken go long han bilong ol giaman kampani na bisnis.

TIPNG i mekim dispela singaut long sapotim toktok bilong Siaman bilong Tas Fos Sweep, Sam Koim, olsem planti milian kina i wok long go aut olgeta yia long ol developmen projek, tasol i nogat wanpela hanmak bilong ol dispela projek i kirap.

TIPNG i singaut long gavman long karimaut wanpela bikpela wok glasim long ol loa bilong skelim pablik mani, na pasim ol rot we ol stilman i wok yusim bilong kisim mani long en.

Ol i tok Advokasi na Ligel Advais Senta bilong TIPNG

i klia long sampela ol komplem pinis we i gat wok i kamap we i no bihainim Pablik Fainens Menesmen Ekt, long sait bilong givim ol kontrak.

TIPNG i tok sapotim Tas Fos Sweep, olsem Sentral na Provinsal Saplai na Tendas Bod i mas strongim wok bilong ol moa long inapim olgeta askim bilong loa, pastaim long ol i givim aut ol kontrak.

“Ol lain i gat hait tingting na ol bisnis i bisnis i noken mekim samting nating; korapsen long rot bilong givim wok i save bagarapim ol bisnis, i save rausim strong na gutnem bilong ol gavman opis, na i save pasim wok developmen long go het. TIPNG i laik lukim olsem ol stilman i mas kisim mekim-save long ol asua bilong ol,” TIPNG i tok.

Australia i tok em i sapotim gut wok bilong PNGDF

Stanley Nondol i raitim

DIFENS dipatmen long Australia Hai Komisn long Pot Mosbi tok Australia gavman i sapotim gut wok bilong PNGDF long bikpela mani, na i tok klia moa olsem tupela helikopta we Australia gavman i haiarim bilong PNGDF, em ol ami bilong PNG yet i ronim na yusim i stap.

Kenol Dick Parker, bilong Australia Hai Komisn, i mekim dispela tok klia bihain long ol sinia pablik seven bilong PNG Difens Dipatmen i tok long nius olsem Australia i trikim PNG ami long tupela helikopta, we Australia i bin haiarim long taim bilong ileksen, em ol yet i yusim, na i bin singaut long gavman long rausim i go aut long kantri.

Ol dispela sinia pablik seven i bin tokim Wantok Niuspepa, las wik, olsem dispela tupela helikopta, we Australia Ami i bin kisim i kam long PNG long mekim wok long taim bilong ileksen, em ol Australia ami i yusim, na dispela em i asua aninit long loa na laikim PNG gavman i rausim ol.

Tasol Kenol Paka i tok dispela tupela helikopta, em bilong Hevilift kampani, na Australia i haiarim bilong PNGDF i yusim long mekim ileksen wok, na tu, long trenim ol yangpela ami pailot.

Kenol Parker i tok i gat agrimen namel long Australia, PNGDF, na Hevilift na tupela helikopta nau i mekim wok long halivim PNG ami long putim was long boda na ol arapela wok. Dispela agrimen bai pinis long 2014.

Kenol Parker i tok moa olsem PNG ami i nogat yangpela long kisim trening, tasol em i tok ol i statim pinis trening progrem long Australia, long trenim ol PNG ami pailot.

Em i tok Australia gavman i save givim sapot inap long manimak K50 milian long wanwan yia long Difens Koporesen Progrem, na dispela em bikpela mani, na i winim manimak we Australia i save givim long ol arapela Pasifik Ailan kantri.

Long wankain taim, Sif ov Staf bilong PNGDF, Kepten Tom Urr, tu i tok klia olsem Australia gavman i halivim gut wok bilong PNG ami wantaim tupela helikopta long taim bilong nesenel ileksen, na nau, ol PNG ami i yusim tupela helikopta i stap.

Kepten Urr i tok ol sinia pablik seven bilong dipatmen i tok strong tru olsem Australia gavman i trikim PNG long i noken gat gutpela plen bilong ami long strongim sekyuriti bilong kantri, em i no tru.



Skul kwaia..

Singsing Gutbai:

Ol skul pikinini long Panguna, Bogenvil i singsing kwaia long tok tenkyu na gutbai long lan Kemish, Hai Komisina bilong Australia long PNG nau i pinis na go bek pinis.

Poto: Lydia Kaia wantaim Strongim Pipel Projek.

new

Sumatin Account

SUMATIN
1234 6754 8901 2345
EXPIRES 06/15

- ✓ Reduced account fees
- ✓ No monthly maintenance charge
- ✓ No minimum balance required
- ✓ Mobile and Internet Banking access

Like us on follow us on

BANKING MADE EASIER FOR STUDENTS ON THE GO!

INTRODUCTORY OFFER: Bank service charge FREE for phone top ups via mobile phones and ATM until 31st May

For more information
 320 1212 or 7030 1212 / 24/7
 servicebsp@bsp.com.pg
 www.bsp.com.pg

Official Sponsor of the 2015 Pacific Games

TELE Apdeit

Konektim skul bilong yu long intanet

Wantaim ol ADSL o telepon lain, o Waiales (WiMAX) wantaim ol Telikom Skul Pekes plen:

- PostPaid Pekes**
- Telinet School 1,000MB
- Telinet School 2,000MB
- Telinet School 3,000MB
- Telinet School 4,000MB
- Fri Daunlod**
- 1GB
- 2GB
- 3GB
- 4GB

Rental olgeta mun
K50
K80
K113
K150

Ekses Sas long wan MB
0.11
0.11
0.11
0.11

Iluksave bai go pas long ol skul i nogat intanet koneksen yet.

IFRI Instolesen

Ikaramapim olgeta bikpela siti na ples Telikom i stap long en

Ol askim: Salim Email long sales@telinet.com.pg o ringim telepon namba 3025500 o 3025554

Winim raun i go lukim Manchester United

Kamap wanpela long tripela laki wina long winim balus tiket i go long lukim Manchester United i bungim A-League All Stars bilong Australia long ANZ Stadium long Sidni long mun Julai.

Prais em:

I Wanpela Gem Pas

I Wanpela riten balus tiket

I 2-pela nait rum slip

I Travel Alawens

We bilong Winim

Spending K200 o moa long wanem ol Telikom Pro-dak long wanem ol Telikom Stoa, raitim nem na adres bilong yu long baksait bilong risit, dropim long wanpela bokis long wanem ol Telikom Stoa, na go insait long droa bilong win.

19t/MB

Amamas wantaim Prepaid 19 toea of-pik ret long 7 kilok moning i go 7 kilok nait, na i nogat hevi long en.

Fri 300MB Daunlod

Baim wanpela intanet dongel wantaim FRI 300 megabait daunlod.

Long save moa, ringim 24/7 Kastoma Kea long 3456789.



Call 147

Katolik Sios gat nupela hetman, Pop Francis

Stori i kam long Zenit Nius Ejensi, Vatiken.

MOA long 1.2 bilian Katolik bilip manmeri long wol i gat nupela hetman bilong ol long givim stia long sios.

Long 3 kilok moning las wik Trinde, ol 115 kadinel bilong Katolik Sios long wol i bin votim Asbisop Jorge Mario Bergoglio, i gat 76 kris-mas em asbisop bilong Buernos Aires long kantri Argentina, olsem Pop long kisim ples bilong Pop Benedict 16 husat tripela wik i go pinis i risain long wok bikos em i wok long go lapun.

Nupela Pop i kisim nem, Pop Francis, na kamap namba 267 hetman bilong Katolik Sios long wol bi-hainim namba wan het bilong sios husat Jisas yet i bin makim moa long 2000 krismas i go pinis, em Santu Peter.

Nem Francis i bihainim Santu Francis bilong Asisisi em was santu bilong ol turangu lain na tu, petron santu o was santu bilong Rom.

Long histori bilong makim nupela Pop, dispela em i sotpela taim we ol Kadinel i makim nupela Pop long wan na hap de.

Long Tunde apinun (las wik), ol 115 Kadinel husat i bin stap long "conclave" o bung we ol i pasim dua i stap na i no inap toktok long ol arapela man, i bin holim namba wan vot, tasol blekpela smuk i kamap long ruf bilong Sistine Sapel na tokim wol olsem vot i no makim yet wanpela man olsem Pop.

Planti tausent Katolik manmeri i pre na wet ausait long Sen Peter's



Nupela Pop, Pop Francis i bungim ol manmeri long Rome..

Basiliika long kisim nius bilong nupela hetman bilong ol, na tripela taim blekpela smok i kamap na pipel i wok long tingting olsem bai kisim sampela de pastaim na ol bai save long nupela Pop bikos 4-pela vot pinis i no kamapim waitpela smok. Tasol nogat.

Long 3.00 bikmoning bihain long 4-pela vot, waitpela smok i kamaut long simni bilong Sistine Sapel na pablik na ol bilip manmeri husat i wet i stap ausait long Sen Peter's Basiliika i autim bikpela amamas nogut tru na singaut paitim han, sampela i kra, sampela i wokim pre long tok tenkyu long Bikman

long givim ol nupela sios lida bilong ol.

Kadinel Jean-Louis Tauran i bin tokaut long wol olsem "habemus Papam" o i gat nupela Pop husat i kisim nem Francis.

Bihain nupela Pop, em pastaim Kadinel bilong Argentina, i wok-abaut i kam na ol planti tausent Katolik pipel i wet ausait na tu, lukluk long TV i stap i givim bikpela singaut bilong amamas na kra wan-taim.

Olsem loa bilong makim Pop long Katolik Sios, i mas gat tu tets mejoriti o 77 vot long man i win long kamap Pop, na nupela Pop

Francis i bin kisim dispela vot mak long wan na hap de tasol, em sot-pela taim long makim wanpela Pop long histori bilong Katolik Sios.

Long wankain taim, Pop Francis i mekim histori taim em i kamap namba wan Pop i kam long ol Amerika na ausait long Yurop na Itali we long moa long 2,000 kris-mas, ol Pop i kam long en.

Em i mekim histori tu olsem namba wan memba long kongrike-sen bilong ol Jesuit pater, ol "intelijentsia" o save i kilim ol lain long Katolik Sios long kamap Pop.

Em i makim ol kantri long Saut Amerika we i gat 40 pesen Katolik populesen long wol.

Husat tru em nupela pop- Pop Francis?

"Em i wanpela man i gat daun pasin, husat i save raun lukim na miks wantaim ol pipel na ol turangu, raun long PMV bas, wasim klos na kuk bilong em yet."

Nem: Jorge Mario Bergoglio, i wanpela long 5-pela pikinini bilong tripela brata na tupela susa. Papa bilong Itali tasol go stap na marit long wanpela asples meri Argentina, Saut Amerika.

Mama i karim em long Buernos Aires long Disemba 17, 1936 n a olsem, em i gat 76 krismas.

Skul: Skul na holim digri long kemikel teknisen, tasol em i laik kamap pater na go skul long Villa Devoto seminari long Buernos Aires yet na long Mas 11, 1958, em i go long novisiet bilon g ol Jesuit Kongriksen na pinisim skul bilong em long Chile. Long 1963, em go bek long Buernos Aires na kisim digri long filosofi long Sen Joseph meja seminari bilong San Miguel.

Namel long 1964 na 1965, em bin tisa long Literetsa na saikoloji long Immaculata Kolis long Santa Fe na long 1966, em bin skulim ol wankain subjek long Yunivesiti bilong El Salvado long Buernois Aires.

Long 1967-1970, em bin skul tioloji long Sen Joseph meja seminari bilon San Miguel we em bin kisim digri bilong em.

Kamap Pater, Bisop na Asbisop: Kamap Pater: Disemba 13, 1969.

Long 1972-1973, em bin Novis Masta long Villa Varilari long San

Miguel na em bin tisa long tioloji tu. Long Julai 31, 1973 ol bin makim em olsem Provinsel bilong Argentina na em bin holim dispela wok long 6-pela yia.

Long 1980 inap long 1986, em bin Rekta o bosman bilong Filosofikel na Tiolojikel Fakalti long San Miguel na tu, pasto long Patriaka San Jose Peris insait long Daiosis bilong San Miguel.

Long Mas 1986, em bin go long Gemani long pinisim doktoret skul bilong em. Bihain long dispela, ol supiria bilong em i bin salim em i go long Yunivesiti bilong El Salvador na bihain long en, long Cordoba we em bin wok olsem spiritual dairekta.

Kamap Bisop: Long Me 20, 1992, leit Pop John Paul 2 i bin makim em olsem titular bisop bilong Auca na oksileri bisop bilong Buernos Aires.

Long Jun 3, 1997, ol bin makim em olsem koadjuta asbisop bilong Buernos Aires na long Februeri 28, 1998, em bin kisim ples bilong Kadinel Antonio Quattacino.

Kamap Asbisop: Long Februeri 2001, leit Pop John Paul 2 i bin makim em Kadinel bilong Argentina.

Long Oktoba 2001, em bin kamap olsem Adjunt Rileta Jenerel long namba 10 Odineri Jeneral Asembli bilong Sinod bilong ol Bisop.

Em bin kamap olsem Presiden bilong Konpres bilong ol Bisop long Argentina long 6-pela yia, stat long Novemba 8, 2005 inap long Novemba 8, 2011.

Em bin memba bilong Kongriksen bilong Divain Wosip na Disaipel bilong ol Sakramen, ol Kleji na ol Institut bilong Konsekretet laip na ol Sosaiti bilong Apostolik Laip, Pontifikel Kaunsel bilong Famili na Pontifikal Komisin bilong Latin Amerika.

Long Praivet Laip: Long praivet laip bilong em yet, nupela Pop Francis em i wanpela man i gat daunpasin, olsem ol stori i kamap long en.

"Em i wanpela man i gat daun pasin, husat i save raun lukim na miks wantaim ol pipel na ol turangu, raun long PMV bas, wasim klos na kuk bilong em yet," wanpela man bilong Argentina i tok bihain long em i harim nius olsem Asbisop Jorge Mario Bergoglio i kamap Pop.

"Nupela Pop i gat nem long kantri bilong em na Saut Amerika olsem man i gat daun pasin na i save miks wantaim pipel na moa yet, ol turangu.

"Em i save raun long ol PMV siti bas, kukim kaikai bilong en en yet, wasim ol klos bilong em na dua bilong em i op long olgeta pipel.

"Em i save slip long liklik flet na i no long bikpela haus bilong asbisop.

"Nem Francis we em i makim na kisim i namba wan taim wanpela Pop i kisim i luksave bilong nau Pop long luksave long santu planti i save long en olsem man i gat daun pasin na poorman bilong ol turangu lain.

"Nem em i go gut tu wantaim kongriksen bilong em- Ol Jesuit o

Sosaiti bilon g Jisas i gat nem long wok bilong ol long edukesen," ol ripot i tok.

Sergio Rubin, em wanpela rilijes o sios nius ripota long Buernois Aires na em i raitim buk bilong nupela Pop i gat ol dispela toktok long nupela pop:

"Olsem leit Pop John Paul 2, Bergoglio em i "conservative" long sait bilong "doctrine" o loa we i min olsem em i save stap isi long ol samting i sut long dispela eria, tasol long sait bilong ol sosel isu, em i strongim wok na toktok long dispela.

"Em i agensim ol "gay" marit o man i maritim man o meri i maritim meri n a long ol i kisim ol pikinini na lukautim, ligel abosen na ol kain isu olsem. Taim em i tok agensim ol dispela, Presiden bilong Argentina em Christina Kirchner i tok em i toktok olsem "Inquisition".

"Ol lain i save long en i tok Asbisop bilong Buernos Aires em i man bilong sem, man bilong toktok isi na i no save bisi long miks wantaim ol biklain.

"Bikpela taim bilong en em i save raun go lukim ol pipel long ol setelmen.

"Taim ol bisop i bung , em i save sindaun long baksait. Ol i luksave gut long dispela long Rom," Rubin i tok long Rom bipo ol i holim konklev long makim nupela Pop las wik.

Planti i tok bai gat tenis i kamap long Vatiken wantaim nupela stail long lidasip bilong Pop Francis nau.

Wol tok amamas long nupela Pop...

TAIM wol i harim nius long nupela Pop las wik Trinde, ol sios na wol lida i bin salim ol tok amamas bilong ol na tu, bikpela sapat long em long wok bilong em long ol turangu.

Presiden Barack Obama i tok long nupela Pop: "Sempion bilong ol turangu na ol lain namel long yumi we i karim mesej o toktok bilong laik pasin we i givim hop na gutpela tingting long wol long moa long 2,000 krismas- na long wanpela narapela yumi lukim piksa bilong God",

"Olsem namba wan Pop long sait bilong Amerika, makim em i toktok long strong bilong rijen we i wok long go pas long ol samting i kamap long wol, na wantaim ol milian Hispanik o Latim Amerika pipel, mipela long Yunaitet Stets i serim amamas long dispela de we i mekim histori," Presiden Obama i tok.

Em i tok em i redi long wok wantaim Pop Francis long skruim long wok wok bilong gutpela sindaun, sekyuriti na luksave long wanpela narapela, maski ol i bilong wanem lotu.

Yunaitet Nesens:
Jenerel Sekreteri bilong UN, Ban Ki-Moon:

Bikpela tok amamas long lewa bilong em i go long Pop Francus na i tok em i amamas long skruim wok bung i stap namel long UN na Holy See.

"Mipela i serim planti gol- long promotim pis o gutpela sindaun, sosel jastis na humen rait i go long rausim turangu pasin na hangere



Nupela Pop, Pop Francis tromoi han long ol pipel..

pasin- em ol bikpela samting long gutpela wok developmen i ken kamap," Mista KI-Moon i tok.

"Mi bilip olsem Santu Papa bsai skruim ol wok we Pop Benedict 16 i bin mekim long promotim toktok wantaim ol narapela sios we i bikpela samting long Alaiens bilogn Sivilaisesen wok," Mista Ki-Moon i tok.

Israel:
Long wanpela bung long haus bilong em long Jerusalem, Presiden bilong Israel Shimon Perez i welkamim makim bilong Pop Francis na tok nupela pop i makim "devotion o strongpela preaia pasin, laikim Bikpela, gutpela sindaun, santu pasin na nupela "continent" o ples i wok long kirap nau.

Presiden Perez i tok moa moa yet nau, wol i laikim spiritual lida we bai yunaitim wol long visen, velyu, bilip long mekim wol i kamap gut-

pela ples long stap long en.

"Blesing bilong Bikpela i ken stap wantaim nupela Pop," Presiden Perez i tok.

Long wankain taim, Presiden Perez i kisim dispela sans long askim Pop long mekim wokabout lukluk raun i go long Israel na helpim long kamapim gutpela sindaun long rijen we pait na sindaun nogut i stap longpela taim nau long en.

"I gat sori pasin pasto"

Taim ol rilijes lida long wol i tok amamas long nupela Pop Francis, ol i luksave long daun pasin em i gat na stap olsem liklik man.

Angliken Asbisop bilong Kenteberi (Cantebury) John Welby:

"Mipela i alikim nupela Pop Francis i kisim ol blesing long karimaut bikpela wok long lukautim ol Katolik pipel na sios long wol.

"Mi lukluk long bungim Pop Fran-

cis na wok wantaim em long skruim ol wok we ol lain i go pas long mitupela i kirapim, moa yet long wok ekumenisim namel long Anglikenna Katolik Sios.

"Planti i save long Pop Francis olsem man i gat sori na daun pasin na helpim pasto husat i sevim ol turangu long Latin Amerika, we planti i luksave long daun pasin na santu pasin bilong em.

Asbisop Jose Luis bilong San Salvador:

Taim em i amamas olsem God i tromoim au bilong em long Latin Amerika, "mipela i tok bikpela tok tenkyu long God bikos mipela i gat Pop i kam long rijen (Latin Amerika)."

Presiden bilong Saut Afrika Bisops konprens, Asbisop Stephen Breslin na Edita, bilong Ignatius Pres:

"Makim nupela Pop i kam long Latin Amerika i tasim lewa bilong mipela na moa yet, ol developing kantri."

Yunaitet Kingdom Praim Minista David Cameron:

"Bikpela de long 1.2 bilian Katolik pipel long wol tai mol i makim Pop Francis olsem namba 266 Bisop bilong Rom.

Presiden bilong Argentina, Cristina Kirchner:

"Gutpela wokabout bilong em taim em i kisim wok olsem hetman bilong sios long pastoral misin bilong em we nau bai bikpela wok moa long paini jastis, ikwaliti, bratahud na gutpela sindaun nab el gut pasin namel long olgeta pipel long wol."

Jesuit Dairekta Jenerel:

"Mipela olgeta Jesuit i pre long brata bilong mipela na tok tenkyu long tok yesa long kisim bikpela wok long go pas long sios long dispela taim ol kain hevi i wok long kamap.

"Mipela i luksave long daun pasin na stap olsem liklik man pasin, ol pastoral ekspiriens na spiritual lidasap em i gat long em.

PNG:
Asbisop John Ribat, Pot Mosbi Asdaiosis:

Taim em i tok amamas long nius bilong nupela Pop Francis, Asbisop Ribat i toke m i lukim nupela Pop olsem man husat inap givim stia long sios taim em i stap long hevi, na askim pipel long pre long en.

Nupela Pop i karim mesej bilong hop, Asbisop Ribat i tok.

Praim Minista, Peter O'Neill:

Taim em i salim bikpela amamas bilong makim kantri, em i tok "Ilek- sen bilong em olsem Pop i bikpela samting long ol Katolik pipel long Argentina, PNG na wol.

Em i tok misinari wok bilong Katolik Sios long Argentina na Saut Amerika i klostu wankain olsem long PNG.

Em i tok bikpela intres long wol i bin stap taim wok bilong makim nupela Pop i kamap na dispela i soim wok bilong Katolik Sios na Kristieni- iti long wol i lukim planti senis tude, tasol wok na sanap bilong Katolik sios i strong moa yet.

"Katolik Sios long Saut Amerika na developing wol na PNG tu na wok insait long ol komyuniti i groa strong," Mista O'Neill i tok.



Pop Francis i kisim ring long makim em olsem nupela pop bilong wol..

Pop Francis i tok tenkyu long ol nius ripota

MOA long 4,000 nius ripota long olgeta hap bilong wol i bin bung long Vatiken long kisim ol stori na poto long nupela Pop.

Pop Francis i bin autim bikpela tok tenkyu bilong em long wok ol i mekim long kisim nius i go aut long wol.

Long wankain taim, em bin askim ol long traim luksave "long wok na ron bilong sios long dispela wol, wantaim ol gutpela samting na ol sin na long save long wari em i gat long spiritual sait bilong pipel.

Long toktok bilong em long ol ripota, em bin tokaut long wanem samting i bin kamap long taim ol i votim em na long em i makim nem em i kisim nau long em.

"Long taim bilong ileksen,

mi bin sindaun klostu long Asbisop Emeritus bilong Sao Paolo na Profek Emeritus bilong Kongriksen bilong Kleji, Kadinel Claudio Hummes, gutpela poroma, gutpela poroman!

"Taim ol samting i luk denjeres, em wok long strongim mi. na tai mol vot inap long tu tets, ol i paitim han bikos ol i makim nupela Pop. Na em i holim pasin mi na tok: "Noken lusim tingting long ol turangu".

"Na ol dispela toktok i kam strong long mi, ol turangu, ol turangu. Stret mi tingting long ol turangu, mi tingim Francis bilong Asisi. Mi tingim ol woa na taim ol i wok long kaunim ol vot inap long pinis bilong em. Francis em i man bilong belgut. Olsem na nem i kam long

lewa bilong mi- Francis bilong Asisi, man bilong ol turangu na pis o gutpela bel pasin husat i laikim ol samting God i wokim, santu wantaim spirit bilong ol turangu man.

"Mi laikim sios em i turangu na bilong ol turangu," Pop Francis i tok.

Taim em i amamas long ol ripota long gutpela na bikpela wok ol i mekim, em bin givim blesing bilong em long ol.

"Planti bilong yupela i no Katolik na ol arapela i no bilip lain, tasol mi givim yupela dispela blesin. Mi luksave long tingting bilong yuupela wan wan, tasol long save olsem wan wam long yupela em pikinini bilong God. God i blesim yupela," Santu Papa i bin tokim ol ripota.



FM100
PNG's Information & Music Leader

BEYOND BOUNDARIES
SUNDAY 6PM - 6.30PM
"THE IMPLICATIONS AND TREND OF GENDER BASED VIOLENCE IN PNG"

Text 1610

ALOTAU 107.1	BUKA 100.8	KARKAR 100.5	KIUNGA 100.3	LORENGAU 100.3	MT. DIMODIMO 107.1	NAMATANAI 100.3	RABAUL 100.8	TINUPUTZ 100.8
AMBUNTI 100.8	DARU 100.5	KANDRIAN 100.1	KUTUBU 100.2	MADANG 100.8	MT. HAGEN 100.3	NGD 100.3	RAMU 100.3	TOLUKUMA 100.1
ANGORAM 100.8	DREIKIRKIER 100.8	KEREMA 100.8	LAE 100.5	MAPIK 100.8	MT. HOREATO 107.5	NUKU 100.8	TABUBIL 100.3	WATERHOLES 107.1
ARAWA 100.3	FINSCHHAFEN 100.4	KIKORI 100.5	IAGIFU 100.2	MARKHAM 100.5	MT. KAINGUMA 107.1	PALMALMAL 100.8	TARI 100.5	WAU/BULOLO 100.8
BOGIA 100.5	GOROKA 100.2	KIMBE 100.3	LIHIR 100.3	MT. BOREGORO 107.7	MT. TURU 100.8	POPONDETTA 100.5	TELEFOMIN 100.3	WEWAK 100.8

Polis mekim wok painim aut

Bustin Anzu i raitim

POLIS bai mekim bikipela wok painim aut long hevi bilong tupela sikuriti kampani na dispela hevi bilong tupela i mekim na planti bisnis ino wok gut long las wik long Lae siti.

Polis i kamapim tingting pinis na kamapim pinis wanem samting em ol bai mekim long dispela wok painim aut bilong ol.

Polis i tok ol bai mekim bikipela wok painim aut namel long Guard Dog Sikuriti Sevis na Eksekutiv Sikuriti Sevis long tupela i pait namel long tupela yet long las wik.

Dispela hevi inap kamap bikipela tasol polis i stap long olgeta hap bilong siti na putim was na daunim dispela hevi. Tasol sampela hap, tupela yet i bung na kamapim sampela birua namel long tupela yet.

Bos bilong Lae siti polis Superintenden Iven Lakatani i tok tupela sikuriti kampani, Guard Dog na Eksekutiv Sikuriti Sevis (ESS) i bungim hevi long dispela hevi, we sampela sikuriti i kisim bagarap, sampela kar bilong tupela i bagarap na tu, paitim na bagarapim ol propeti na ol narapela manmeri we ino bilong dis-

pela tupela grup.

"Polis bai mekim wok painim aut long dispela hevi, tasol pastaim tru ol mekim wok painim aut long wanem samting i as bilong trabel na husait i kamapim. Ol dispela samting em ol bai kamapim ples kliia na bihain lukluk long ol narapela samting i bihainim dispela trabel," Lakatani i tok.

Long las wik Tunde na Trinde, tupela i bungim tupela yet na pait insait long Lae siti. Tasol polis i hariap long stopim ol na rausim ol long mekim moa trabel long siti.

Long dispela wik Mandé, ol bik bos bilong polis long Lae na Provinsel Polis Komanda bilong Morobe i bungim ol papa bilong tupela sikuriti kampani wantaim na toktok long as tingting bilong wok bilong ol.

Long wan kain taim, Lakatani i tok amamas long pablik insait long Lae siti long stap isi na i no bihainim tupela sikuriti kampani na mekim nabaut insait long siti. Ol i stap na larim tupela yet i kamapim birua na pinisim.

Em i tok amamas long ol polisman meri bilong em long stap wantaim em long daunim dispela hevi.

nius

Pablik Sevis i slek

Bustin Anzu i raitim

GAVANA bilong Morobe, Kelly Naru, i lukim olsem ol pablik sevis i slek long mekim wok bilong ol olsem ol seven bilong pablik.

Em i tok aut gen long ol i noken slek na mas pulim soks bilong ol long mekim wok bilong ol.

Gavana Naru i tok planti bilong ol dispela pablik seven em ol i no stap long ples bilong wok bilong ol long ples, na planti manmeri i komplem long wanem, ol i no kisim ol gavman sevis long ol.

Em i mekim dispela toktok bihain long lukim tripela provin-sel bod long ples Yanga autsait

tasol long Lae long las wik Fraide.

Em i givim bikipela tok lukaut olsem ol pablik sevis i slek na les nogut tru long wok na dispela i mekim na planti wok ino go gut stret long lukluk bilong ol manmeri bilong ples na taun.

"Planti i komplem olsem ol i wet longpela taim long kisim sevis o sampela ino save kisim," em i tokim ol wokman bilong em.

Olsem na em i tokim diputi Administreta Geoving Bilong, husait i bin stap long dispela miting long givim skul tok long ol wokman meri bilong Morobe Provinsel Gavman.

"Mi givim strongpela tok lukaut igo aut long ol pablik sevis long mekim sampela samting long

wok bilong ol nau. Ol ino ken slek na ino mekim wok. Mi givim inap taim bilong ol long slek na raun nating. Nau yet, dei bilong ol em bai mi kaunim. Mi inap long ol slek man," em i tok.

"Sapos yu no bin mekim wok, stat long mekim wok nau, sapos yu mekim ol wok bilong yu yet na ino mekim wok bilong gavman, yu mas stop nau, sapos yu tingting tumas long helpim tumas ol wantok bilong yu nau, yu mas lusim ol nau," em i tok.

Em i tok planti bilong ol dispela lain pablik sevis i save raun nating na soim pes tasol long taim bilong kisim mani o pe. Sampela liklik lain tasol i save tingting tru long sevim ol liklik manmeri na populesen bilong ples.

Leo Dion givim K500,000 long Manam pipel

Frieda Kana i raitim

DEPUTI Praim Minista, na Minista bilong Inta-Gavman Rilesens, Leo Dion, i givim K500,000 bilong helpim ol pipel bilong Manam Ailan husat nau i stap long ol kea senta.

Mista Dion mekim olsem taim em i bin go bungim ol lidaman bilong Manam Ailan long ples Baliau, long Fonde, las wik.

Em i tok dispela mani em bilong helpim ol pipel long stretim sampela hevi bilong ol long kea senta, na tu long ailan. Ol pipel long kea senta na long Manam Ailan nau i kisim taim long kaikai, klos, haus na ol sospen, spun, plet, na skul bilong ol pikinini.

Mista Dion, i kisim helikopta na i go long Manam Ailan, wantaim Gavana bilong Madang, Mista Jim Kas, Dairekta bilong Nesenel Disasta na Imejensi Menesmen, Martin Mose, na ol arapela ol bikipela gavman opisal.

Long 2004 na 2005 taim maunten paia i bin pairap, na ol pipel i ronowe, gavman i bin baim ol plantesin na givim ol long stap long sotpela taim. Tasol longpela taim nau na ol

i stap yet long ol kea senta. Helpim bilong gavman na ol arapela lain i stop pinis tu, na sindaun bilong ol i bagarap moa yet.

Nesenel Eksekutiv Kaunsil (NEC) i bin kamapim wanpela bodi, MRA (Manam Restoration Authority) long em bai karim wok bilong disasta rispons na risetelmen, tasol MRA i no bin helpim ol pipel na mani gavman i bin givim long em i bin paul nating. Nau Gren Sif, Dion i tok olsem em bai kirapim gen MRA, wantaim wanbel bilong NEC.

Gren Sif Dion, i soim bikipela sore long bagarap ol pipel bilong Manam I painim, na em i rausim aiwara taim em i long toktok long ol lidaman. Na dispela i brukim bel bilong ol lida man bilong Manam tu na olgeta i krai long hevi ol karim i kam i nap 8 pela yia nau.

Gren Sif Dion i tok promis long hariapim ol dipatmen bilong em na dipatmen bilong Lens long ol i bai hariap long stretim graun long Andarum bilong ol Manam bai ken sindaun gut.

Graun gavman i makim long putim ol

Manam pipel, em i stap long wanpela ples bak-sait long Bogia Distrik Stesin, ol i kolom Andarum.

Gavana bilong Madang, Mista Jim Kas em i tokaut olsem em i givim ful sapot bilong em long wok bilong Manam Risetelmen. Em i rausim ai wara taim em i wok long toktok long dispela hevi we ol pipel bilong Manam Ailan i bin fesim long yia 2005 i kam i nap nau.

Gavana i tok olsem sore long ol pipel olsem dispela wok bilong risetelmen bilong ol Manam, em i wanpela namba wan ileksen promis bilong em, tasol em i bin painim hat long go het wantaim, taim pati bilong em i no bin go insait long gavman na em i stap long oposisen. Tasol Mista Jim Kas i no givap. Maski em i stap long oposisen, em i go lukim Deputi Praim Minista na Minista bilong Inta Gavman Rilesens, Leo Dion na em i krai long em i mas traim na helpim ol pipel bilong Manam Ailan.

Long dispela em Mista Dion i tok em i laik go lukim ol Manam long ai bilong em yet. Dispela i givim bikipela bel amamas tru long

Gavana Kas.

Makim maus bilong ol lidaman bilong Manam, em Charles Basse bilong Yassa Viles i makim ol lida presenim petisen pepa bilong ol Manam i go long Gren Sif, Leo Dion. Mista Basse i tokim Gren Sif Dion olsem ol pipel nau i fesim bikipela hevi long sindaun bilong ol. Em i tok ol Manam pipel i laikim graun long risetelmen o risev graun we ol i ken stap long em taim maunten paia i pairap gen.

Mista Basse i tok moa olsem sindaun long kea senta na Ailan nau i bagarap tru. Nogat gutpela wara bilong dring, nogat haus tisa bilong ol skul, skul haus i bagarap na ol man, meri na pikinini i nogat klos long werim.


"Ol klos samting em bikipela tumas long toktok, tasol Sospen, plet, spun na kap em mipela nogat. Insait long ol kea senta mipela nogat graun long wokim nupela gaden na planim, kamautim na planim gen long sem hap graun. Na long ailan yet, em karanas nogut bilong maunten paia i mekim hat tru long wokim gaden." Mista Charles Yanda, Wod Mamba bilong Kuluguma Viles i tok.



Gad Dog Sikuriti: Ol Gad Dog Sikuriti i bung long go bek long bareks bilong ol long 11-mail.



Peter Aigilo: Bos bilong Gad Dog Sikuriti Peter Aigilo (l) i sanap toktok wantaim ol bosman bilong polis long las wik.



FM100

PNG's Information & Music Leader

NASFUND FM100 TALKBACK SHOW

MONDAY - FRIDAY 9AM - 12PM

Studio: 323 3777 or 323 3999

ALOTAU 107.1	BUKA 100.8	KARKAR 100.5	KIUNGA 100.3	LORENGAU 100.3	MT. DIMODIMO 107.1	NAMATANAI 100.3	RABAUL 100.8	TINIPUTZ 100.8
AMBUNTI 100.8	DARU 100.5	KANORIAN 100.1	KUTUBU 100.2	MADANG 100.8	MT. HAGEN 100.3	NCU 100.3	RAMU 100.3	TOLLUKUMA 100.1
ANGORAM 100.8	DREIKIRKIER 100.8	KEREMA 100.8	LAE 100.5	MAPRIK 100.8	MT. HOREATO 107.5	NUKU 100.3	TASUBIL 100.3	WATERHOLES 107.1
ARAWA 100.3	FINSCHHAFEN 100.4	KIKORI 100.5	IAGIFU 100.2	MARKHAM 100.5	MT. KAINGUMA 107.1	PALMALMAL 100.6	TARI 100.5	WAUBULOLO 100.8
BOGIA 100.5	GORDOKA 100.2	KIMBE 100.3	LIHIR 100.3	MT. BOREGORO 107.7	MT. TURU 100.8	POPONDETTA 100.5	TELEFOMIN 100.3	WEWAK 100.8

Kristen Helt Sevis holim Momase Rijinel Konprens



King i kam, yumi redi

LONG Len sisen, yumi bin hapim kaikai, beten, taim bilong stap isi na kisim taim wantaim jisas long abrusim kainkain traim long laip bilong yumi.

Dispela Kristen wokabout wantaim Jisas long taim bilong traim em planti long yumi i tok "yesa" na stap pas wantaim Jisas na planti moa long yumi i tok "no" na stap pas wantaim satan.

Dispela em i wanpela bikpela salens long wokabout bilong yumi wantaim Jisas.

Maski planti taim yumi tok yes, yes na yes long Jisas, tasol wanpela liklik samting i save mekim yumi i pondaun kwik na yumi save tok "no, no, no" long Jisas, tasol wanpela bikpela samting i kamap long laip bilong yumi, yumi save tok yes, na luksave long Jisas em husat.

Tasol bikpela samting yumi mas luksave long Jisas em husat, na yumi mas pas wantaim em olgeta taim.

Mi bilip yumi bin ekspiransim pinis dispela kain ol gutpela pasin na pasin nogut long laip bilong yumi pinis.

Tasol wanem samting moa bai kamap long dispela Sande?

Sapos yumi i pas wantaim Jisas, o yumi i no pas wantaim Jisas, em nau i taim bilong opim royel get bilong yumi na larim Jisas i sindaun antap long donki na kam insait long royel siti bilong yumi.

Dispela Sande em Pam Sande na yumi Katolik bai holim han bilong pam na ol pam kruse long singsing hosanna, na givim ona long Jisas Krai em i King bilong yumi.

Yumi bai witnessim Jisas bai inapim hap tok bilong Zek(9:9). Maski ol wanblut i rijektim Jisas, tasol Jisas i kam olsem King bilong yumi wantaim bel isi na go insait long Royel Siti wantaim isi na daun pasin.

Pam Sande em i gutpela taim bilong opim dua bilong Royel Siti bilong yumi.

Na yumi singsin g hosana na givim ona olsem Krai i King tru bilong yumi.

Hosana long tokples Hibru i min olsem "kam na sevim yumi".

Dispela hap tok em inapim Sams 118:25 olsem ol Jew pipel i mekim long Pasova hymn o singsing we i toktok long stretpela man i kam insait lon g Royel Siti we bai olgeta manmeri bai rausim klos na han bilong pam long amamasim na tok hosana, na givim hona long Krai em i King, na wokabout antap long en wantaim welkam ol i save long ol bikman.

Nau, olsem wanem long yumi ol bilip manmeri?

Yumi bai Hosana tasol o bai yumi rausim gutpela bilas bilong yumi na larim Jisas i wokabout antap long yumi.

I gutpela yumi mas rausim ol doti bilas bilong yumi na tok Hosana singsing na givim ona "Krai em i King long Royel Siti long lewa bilong yumi.

Heart o lewa bilong yumi em i Royel Siti bilong God na larim dua bilong yumi i op na Jisas i oen kam insait wantaim bikpela welkam.

Wanpela askim i olsem, taim yumi kisim liklik pam Kros, bai yu mekim wanem samting insait long Holi Wik i go inap long taim Jisas bai dai long Kruse long Gut Fraide?

Warime Guti raitim

MOROBE Kristen Helt Sevis nau i ronim namba 10 Momase Rijinel Kristen Helt Sevis Konprens long 18 i go 22 Mas 2013, long Sen Joseph Teknikal Kolis ausait tasol long Lae Siti.

Het tok bilong dispela konprens i bihainim KRA (Key Result Area) 4, 5, 6 na 7 bilong PNG Nesanel Helt Plen.

KRA 4 em bilong, Kamapim gutpela sans long pikinini stap laip, (Improve Child Survival), KRA 5, em bilong, Kamapim gut helt bilong ol mama, (Improve Maternal Health), KRA 6, em bilong, Daunim namba bilong ol sik i save kalap isi i go i kam (Reduce Communicable Diseases) na KRA 7, em bilong, Strongim helti laipstail (Promote Healthy Lifestyle).

Micha Yawing, Provinsel Helt Advaisa (PPA) i bin givim opisel toktok long opim dispela konprens.

"I gat planti pikinini i bon, planti i dai, namba bilong sik i go antaim na i kamap planti moa. Yes i gat hevi i stap tasol em wok bilong yumi nau." Mista Yawing i tok.

Mista Yawing i givim salens na strongim ol lain na i tok bai em i sapotim yet wok bilong Sios Helt Sevis long Morobe.

Pasto Hans Giegere, bilong Evanjelikel Lutheran Sios bilong PNG, i opim dispela konprens wantaim toktok i kam long buk baibel long Buk bilong Filipins.

"Maski Santu Pol i bin stap long kalabus, em i rait na strongim yet Filipin sios long ol I mas amamas. Santu Pol I mekim olsem bilong wanem, em i kisim strong long patnasip bilong ol

sios long Filipins." Pasto Giegere i tok.

"Miting bilong yumi long hia, em i soim wok poroman bilong yumi, maski, yumi fesim bikpela salens long wok bilong helt insait long PNG. Wantaim wok patnasip, yumi bin wok bung wantaim na bai yumi wok bung yet insait long dispela wok bilong oraitim ol pipel wantaim amamas long bel na pasin bilong laikim narapela." Pasto Giegere i strongim tingting long dispela ekumenikel miting .

Joseph Sika, Sif Eksekutiv Opisa bilong Kristen Helt Sevis, i strongim ol lain long go het long wok bung wantaim long lukim bikpela senis long wok bilong ol.

"Yumi mas bungim wok wantaim, na bai yumi olgeta ken lukim bikpela wok kamap. Yumi noken wok wan, wan olsem wan,

wan Sios Helt Sevis tasol yumi wok bung wantaim olsem wanpela Kristen Helt Sevis." Mista Sika i tok.

Kristen Helt Sevis, pastaim nem bilong em, Sios Medikal Kaunsil (CMC) na dispela em gat 24-pela Sios Helt Sevis i ful memba, na 3-pela asosiet memba sios helt sevis. Dispela bodi i bin stat wok long yia 1964.

Las wik, wankain konprens i bin kamap long Niugini Ailan (NGI) Rijin. Dispela wik em Momase Rijin na Hailans Rijin bai kam bihain liklik. Olgeta dispela rijinel konprens em bai rereim ol sios long holim bikpela Nesanel Kristen Helt Sevis (NCHS) Konprens long neks mun, Epril 15 i go 19.

Rejista bilong Momase Rijinel Konprens i bin lukim 40-pela lain i rejista long dispela konprens.

Provinsel na Lokal Gavman Afeas Dipatmen i putim aut pinis 2013 Enuel Ektiviti Plen

Frieda Kana i raitim

PROVINSEL na Lokal Gavman Afeas Dipatmen i putim aut pinis 2013 Enuel Ektiviti Plen (AAP) bilong ol, long Fraide 8 Mas, 2013 insait long wanpela sere moni long PNGIPA, PNG Institut ov Pablik Edministresen, Waigani, NCD.

Ol bos bilong dipatmen i bin askim tu ol famili bilong ol woklain long kam na witnessim dispela lons bilong enuel plen.

Dispela bilong wanem, dipatmen i laikim ol bai sanap baksait long ol papa na mama bilong ol na sapotim ol, taim ol bai stat long karim aut dispela nupela plen i go long ol provins, distrik na LLG.

Masta ov Sere moni o man i go pas long dispela kibung i tok olsem, pastaim tru dispela dipatmen i no bin gat wanpela koporet plen, tasol dispela yia Dairekta bilong Korporet Sevis, Mista Mogeia i kamapim dispela buk wantaim Enuel Ektiviti Plen bilong 2013 yia.

Mista Munare Uyasi em Sekreteri bilong Dipatmen yet i bin givim bikpela tok welkam long ol woklain na ol famili bilong ol na bihain em i lonsim dispela plen.

Mista Uyasi, Sekreteri bilong Dipatmen bilong Provinsel Afeas na Lokal Gavman, i bin lonsim dispela plen.

Insait long bikpela toktok bilong em, Mista Uyasi i tok olsem nau dipatmen i kamapim nupela stail bilong wok.

Em i namba wan taim long laip bilong Provinsel Afeas na Lokal Gavman Dipatmen long kamap wantaim wanpela enuel ektiviti plen we i gat olgeta bikpela plen na baset insait long wanpela buk tasol.

Em i namba wan dipatmen long bihainim plen bilong O'Neill-Dion gavman, pas long ol ara-

pela dipatmen.

Sekreteri Uyasi i tok tenkyu na ona i go long foma sekreteri bilong dipatmen na nau Sif Sekreteri, Manasupe Zurenuoc, long statim dispela senis insait long dipatmen.

Mista Uyasi tokaut tu long apoinmen bilong tupelo deputi sekreteri bilong dipatmen.

Tupela deputi sekreteri i bin stap eking stat long 26 Februari, 2013 na nau ol i makim ol bikos long save na wok bilong ol.

Sekreteri Uyasi i tenkim ol Dairekta na ol Deputi sekreteri long gutpela wok bilong ol we i lukim dispela enuel plen i pinis.

Ol i bin wok planti awa long mekim dispela wok i kamap gut stret.

Em i tenkyu tu long ol famili bilong ol long sapotim dispela wok kamap.

Mista Uyasi i tok moa olsem long las 9-pela mun taim em i

kisim dispela opis, em i bin lukim bikpela senis i kamap long wok pasin bilong ol woklain.

Nau em i amamas long lukim olgeta bikpela wok plen i stap insait long wanpela ektiviti plen tasol.

"Yumi mas putim bilip bilong yumi long God bai i go pas long yumi long karim aut gut dispela plen." Mista Uyasi i tok.

"Mi bin go long boda bilong Westen Provins na Indonesia na ol pipel long dispela hap ol i tok, ol i no save long PNG gavman. Wanem samting bai mekim yumi long laikim dispela kain hap long go? Em ol tumbuna, papa na mama bilong yumi i stap long hap na yumi bai go bek long asples olsem." Em i tok moa.

Mista Uyasi i tok olsem long strongim dispela wok bilong Enuel Ektiviti Plen we ol i kamapim long dipatmen save man meri bai i go long ol provins

na distrik long lainim gut ol wokman long hap long save na gutpela we bilong lukautim olgeta bikpela mani we O'Neill-Dion gavman i katim i go daun pinis long kamapim wok developmen long ol Distrik na LLG eria.

Bikpela mani mak i go daun pinis long ol provinsel gavman, distrik na lokol level gavman we i bihainim nupela stail bilong O'Neill-Dion gavman.

Olsem na Dipatmen bilong Provinsel Afea na Lokal Gavman i mas bihainim dispela senis na rere long ron wantaim.

"Dispela yia, em yia bilong planim o kamapim wok.

"Mi sainim pinis tok promis wantaim Minista bilong Provinsel Afea na Lokal Gavman, na nau yupela ol deputi sekreteri bai tok promis na sain wantaim mi, long yupela bai karim aut dispela plen long sapotim plen bilong O'Neill-Dion gavman."

Mista Uyasi i tok.

Gavana Agiru na tripela Hela MP kisim helpim askim



Gavana bilong Hela, Anderson Agiru...

ASKIM i go long Gavana bilong Hela provins na narapela tripela memba bilong Hela long sapotim ol sumatin long provins we ol i kisim ol long skul long ol yunivesiti, tasol ol i sot long ol skul fi.

Presiden bilong Yunivesiti bilong PNG Asosiesen bilong ol Hela Sumatin, Bobby Yupi i putim askim i go long Gavana Anderson Agiru, James Marape em Fainens na Eking Edukesen Minista na lida bilong Gavman Bennis, Francis Potape na Philip Indialu long helpim ol wantaim mani bilong go insait long yunivesiti na karamapim

tu ol skul fi bilong ol makim ol Hela sumatin long yunivesiti long ol palamen memba ya i sapotim ol wantaim

mani helpim na ol i ken skruim skul bilong ol.

Em i singaut long Gavana Agiru long givim K50,000 we em bin tok promis long givim na Raymond Kua bilong Posman Kua Aisi Loyas i bin makim em (Gavana Agiru) na tokaut long em long taim ol bin holim greduesen bal o danis na kaikai long Holide Inn long Pot Mosbi las yia.

Mista Yupi i tok tru, ol sumatin i kam long provins we bikpela LNG PNG Projek i stap long en, tasol i no olgeta i kam long hap na olsem, ol i no kisim gutpela samting long projek ya.

Namba wan taim meri i bosim Hai Komisina bilong Australia long PNG

NUPELA Hai Komisina bilong Australia long PNG i wanpela meri.

Dispela em i namba wan taim we wanpela meri i bosim opis bilong Australia long PNG na kamap Hai Komisina.

Deborah Stokes i bin kam kamap long PNG long dispela wik Mande long kisim ples bilong pastaim Hai Komisina, lan Kemish, we taim bilong em i pinis long Mas 1.

Oi sinis opisa bilong Foren Afeas na Tred Dipatmen i bin welkamaim Mis Stokes taim em kam kamap long Jackson's ples balus long Mande.

"Mi amamas long kam long PNG taim ol bikpela samting i wok long kamap," Mis Stokes i tok.

Em i tok em laik bungim ol pipel long ol kain wok na em i ken gat sans long kisim kliapela save long ol sans na ol salens PNG i gat nau long em.

Mis Stokes i tok PNG na Australia i gat strongpela wok bung we i kam aninit long sampela samting long histori tupela kantri i serim, strongpela pipel na pipel poroman na strongpela wok bung long stat bilong tred na ikonomi.

"Mi bai skruim wok we ol lain i stap pastaim na holim dispela wok i bin statim pinis long pro-



WELKAM: Sif Protocol Opisa, Jimmy Ovia na Protokol Dairekta bilong Dipatmen bilong Foren Afeas na Tred, Barbara Mimiru i welkamim Denorah Stokes taim em i kam kamap long Jackson's ples balus long Pot Mosbi. **Poto: Australia Hai Komisina Pablik Rilesens.**

motim ekonomik koporesen na bungim ol pipel namel long tupela kantri na sapotim ol divelopmen gols bilong gavman bilong PNG," Mis Stokes i tok.

Em i tok tu olsem em bai wok long promotim wok bung namel long Australia na PNG long rijinel na ol bailaterel bodi.

Olsem namba wan meri Hai Komisina bilong Australia long PNG, Mis Stokes i laik wok wantaim ol meri lida long PNG

long luksave ol rot we Australia i ken sapotim ol meri long PNG i ekn wok wantaim ol man long olgeta sekta long PNG sosaiti.

Mis Stokes em i wanpela sinia karia opisa wantaim Dipatmen bilong Foren Afeas na Tred.

Em bin go pas o bosim Intenel Ogenaisesen na Ligel Divisen bilong dipatmen pastaim em i kisim wok long PNG.

Mis Stokes i bin wok olsem

ambaseda bilong Australia long kantri Austria, makim Australia long Yunaitet Nesens long Vienna na Deputi bos long Misin wantaim Embasi bilong Australia long Tokyu, Japan.

Em bai stat wok long PNG klostu taim bihin long em i prisenim ol pas bilong em long toksave long em na wok bilong em i go long Prais Ministia, Peter O'Neill.



Yut, Meri na Famili

Wantaim Frieda Kana na Pastor Barbara Lunge

Stat long dispela wik, yumi gat tupela nupela meri bai save rait i kam long dispela kolom.

Frieda em i wanpela ripota wantaim Wantok Niuspepa na Barbara em i wanpela pasto husat i go pas long Rivers of Grace International Ministry long PNG.

Tupela bai skruim ol toktok long Yut, Meri na Famili. Ol Kristen man meri i mas lukaut long pasin pamuk insait long famili.

INSAIT long Mosbi Siti long haus sik mog i save gat taim we wanpela gutpela ogenaisesen, em Frens Faundesen, i save bungim ol bodi bilong ol pikinini we i dai long haus sik na nogat man i laik planim ol. Mama bilong ol planti taim i save ronawe na lusim long haus sik. Sampela ol mama i gat HIV na i karim pikinini olsem na ol pikinini sik na i dai. Sampela ol i nogat gutpela marit laip na pikinini i kamap, na long dispela ol i ranawe long pikinini i dai bikos famili bilong ol i no nap helpim ol.

Sampela taim dispela hevi em i save kamap bikos long pasin pamuk o adalteri we i save bagarapim sindaun bilong ol mama, papa, pikinini.

I no longpela taim i go pinis, wanpela stori i bin kamap long wanpela mama i painim helpim long planim pikinini bilong em, husat i bin dai na i stap longpela taim long haus sik mog long Mosbi.

Adalteri o pasin pamuk i kamap taim marit man o marit meri i go paul wantaim narapela i no man o meri bilong em.

Gavman bilong Papua Niugini, i gat loa i karamapim adalteri o pasin pamuk, we man na meri i save peim K1,000 kot fain long taim majistret i painim ol i gat asua. Nogat em bai salim husat i asua i go long kalabus inap long sampela gutpela taim.

Na insait long buk Baibel tu, God i putim sampela bikpela loa bilong dispela i stap. Papua Niugini i Kristen Kantri, na mama loa bilong yumi em i sanap antap long tok i kam long buk Baibel. Na sapos yumi bihainim bai kain ol hevi i noken kamap.

Long buk Proveb, Baibel i tok; "Sapos yu mekim wanpela promis long Lod, God bilong yu, yu noken isi, isi long bihainim, bikos Lod, God bilong yu bai singaut long yu long bekim, na yu bai gat pekato sapos yu no bihainim promis." Prov 5: 1-23

"Tasol sapos yu no mekim promis long God, em bai yu nogat pekato. Wanem samting maus bilong yu i tokaut, yu mas traim hat long bihainim, bikos em long laik bilong yu yet, na yu mekim promis i go long Lod, God bilong yu." Deut 23: 21-23

Marit o kisim ring insait long haus lotu em i save gat tok promis olsem, "mitupela bai stap poroman long gutpela taim na taim nogut, inap long dai tasol bai katim mitupela." Dispela tok promis, em selebren, Pris o Pasto i save blesim na God i witness long en.

Buk Proveb i tok, meri i slip wantaim narapela man we i no man bilong em, em i pamuk meri. Prov 5:3.

I gat planti tok lukaut i save kamap long man meri i mekim pasin pamuk nabaut, nabaut bikos i gat as tingting i stap.

astinging em i olsem, switpela toktok na pasin bilong pamuk meri i save kamap olsem strongpela traim long daunim gutpela tingting bilong man na bai em i pundaun long sin.

Namba tu astinging em, pasin pamuk em i save kamapim bikpela birua na i save bagarapim famili. Em i save brukim lewa bilong man na meri na pasin bilong laikim na givim bel i save lusim ol. Em i save daunim laip bilong ol man na meri na mekim ol kamap samting nating.

Namba tri em, pasin pamuk em i brukim loa bilong God. Proverbs 5:3
Moa long dispela long neks wik.

Susu Mamas kisim K100,000 helpim long Stimsips



STIMSIPS GIVIM

HELPIM: (Long namel) Menesing Dairekta bilong Stimsips Trening kampani, Geoff Cundle, i givim K100,000 sekmani i go long Bisnis Menesa bilong Susu Mamas PNG, Moses Moti. Tupela i sanap wantaim sampela woklain bilong Stimsips na Susu Mamas.

Poto: Stimsips Trening Kampani Pablik Rilesens

OL Susu Mamas PNG Inc i ken skruim wok bilong ol long helpim ol mama na pikinini we bai helpim kantri long inapim ol Midium Tem Developmen Gols (MTDG) bilong em wantaim K100,000 we Stimsips Trening kampani i givim ol long dispela wik.

Wanpela long ol bikpela samting we MTDG i laikim bai ol memba kantri long Yunaitet Nesens inapim em long daunim mak bilong ol liklik bebi i dai, husat i gat krismas long 5 yias i kam daun long wanpela de. Na tu, daunim mak bilong ol mama i karim bebi i dai na kamapim gut helt bilong ol.

2015 em yia we ol kantri bai kisim ol ripot bilong ol i go long

UN i glasim na skelim na em i wanpela yia tasol long go long en.

Wantaim dispela, PNG i mas resis long inapim ol MTDG Gols na em i stap antap long agenda bilong gavman na ol ogenaisesen husat i wok hat long inapim ol dispela gol.

Long taim bilong K100,000 sek presentesen, Menesing Dairekta bilong Stimsips Trening kampani em Geoff Cundle i tok kampani bilong em i amamas long helpim ol Sisi Mamas grup husat i wok wantaim Nesanel Dipatmen bilong Helt long givim helt kea bilong ol mama na ol pikinini.

Dispela manimak bai go long sapotim 4-pela klinik bi-

long Susu Mamas long Mosbi, Goroka, Lae na Hagen, na tu, ol autris progrem em i save givim sevis long ol liklik eben o taun klinik insait long dispela 4-pela provins.


Bisnis Menesa bilong Susu Mamas, Moses Motu i tok ol autris sevis progrem i helpim ol meri na pikinini long ol ruel eria na tu, helpim ol helt woklain long ol ruel na ol liklik eben klinik.

Na em i amamas long bikpela sapot we Stimsips i wok long givim i go long ol Susu Mama.

Long las yia (2012), Susu Mama I bin givim anti netel sevis o sevis long ol mama i gat bel long moa long 6,000

meri, givim banis sut long 8,500 pikinini na tu, karimaut moa long 70 autris klinik long Nesanel Kapitel Distrik, Westen na Isten Hailans na Morobe Provins.

Oi Susu Mamas PNG klinik i save givim fri edukesen na kaunseling long givim ol bebi susu stret bilong mama bikos em i gat ol gutpela samting long banisim ol bebi long en, nutrisen o gutpela kaikai long givim bebi long en, Oi HIV mama i givim susu long bebi, haijin, antinetel na pos netel kea o ol mama i lukautim ol yet pastaim na bihain ol i karim bebi, banis sut, famili plening na volun teri kaunseling na testing (VCT).



Pestode bilong Santu Josep

KATOLIK komyuniti bilong Baruni long Hanuabada Peris long Mosbi i bin amamas long Sande 17 Mas 2013.

Olgeta i kam kamap wantaim naispela kala klos na bilas long selebretim was santu bilong ol, Santu Josep, man bilong Maria.

Komyuniti lida i singautim pes manmeri bilong Kanudi, Tatana, Baruni na Koukou i holim miting na pasim tok long selebretim Pestode bilong Santu Josep, was santu bilong Baruni Katolik komyuniti long las Sande.

I gat wanpela bikpela hevi i stap namel long komyuniti.

Planti Katolik manmeri i stap long Baruni, Tatana, Kanudi na Koukou, tasol i nogat haus lotu yet.

Olgeta taim ol i lotu aninit long wanpela famili haus, namel long Baruni viles.

Longpela taim pinis ol i toktok na wokim plen long wokim wanpela haus lotu, tasol toktok bilong ol i no karim kaikai yet. i gat wanpela lain bilong Baruni i ofaim wanpela ples i gat graun malumalu, na askim manmeri long pulamapim dispela ples na wokim haus lotu.

Ol i bin tromoim sampela graun pinis, tasol wok i no go het yet, bikos i nogat wanpela agrimen wantaim papa graun yet.

Ol i pret, nogut wanpela de bihain papa graun bai sanap na tok pait long kisim bek dispela graun.

Ol bin kisim wanpela deklarasi pepa, tasol papa graun i no sainim yet.

Planti Katolik manmeri bilong dispela eria olsem Koukou, Tatana, Kanudi – i save go lotu long narapela peris insait long taun olsem long Sen Mary's, Sen Joseph Boroko na Sen Theresa Badili bikos ol i no amamas lotu aninit long famili haus. Sampela i tok, "Taim mipela i kam lotu long Baruni, mipela i pilim olsem em no lotu long Haus Lotu, tasol olsem mipela i joinim famili bilong haus long wokim misa wantaim ol".

Long dispela as tasol ol i save go lotu long narapela haus lotu.

Planti Pater i bin stap long dispela peris i bin traim hat long sapotim manmeri long kisim graun long wokim haus lotu, tasol inap ol i lusim Hanuabada peris, Baruni komyuniti o aut stesen i nogat haus lotu yet.

Olsem na long pestode bilong Santu Josep, was santu bilong Baruni aut stesen, mi bin salensim ol gen long hatwok long kamapim Haus Lotu bilong ol.

Mi tokim ol long homili o skul toktok bilong mi long lainim stretpela pasin bilong Santu Josep husat i no man bilong toktok, tasol em i man bilong wokim wok. Em i wanpela hatwok man.

Mi tokim ol olsem; "Yumi manmeri bilong Baruni aut stesen, i toktok planti tumas na toktok bilong yumi i no save karim kaikai, bikos maus bilong yumi i save amamas long mekim kainkain switpela toktok. Tasol han bilong yumi no wokim wok. Nau em i taim bilong pasim maus na yusim save na han bilong yumi long mekim wok. Sapos yumi wokim planti toktok yet, haus lotu bai i no inap kamap inap long mi lusim dispela peris.

Planti Pater i bin wok wantaim yupela. Yupela i bin wokim planti toktok wantaim ol. Nau yupela i wokim toktok yet. Wanem taim bai yumi lukim haus lotu i kamap?"

Manmeri i kam long lotu, ol i kukim na bringim planti kaikai.

Ol i bungim olgeta kaikai. Bihain long lotu, olgeta i sindaun na serim na kaikai wantaim. Olgeta i amamas, na planti kaikai i stap yet. Ol i serim na bringim go bek long famili bilong ol wanwan.

Dispela pasin i gutpela stret.

I soim sapot na wok bung wantaim. Ol i mas soim dispela wok bung na sapotim narapela narapela long wokim kamap wanpela haus lotu bilong ol.

I gat wanpela bikpela salens i mekim wok i kamap slo, bikos planti man i no save strong long sait bilong lotu.

Olgeta Sande yumi bai lukim meri na pikinini tasol i pulapim ples bilong lotu.

Man bilong ol i wok wantaim LNG o Curtain Brother Ltd. Ol i wok long 7-pela de. Ol i nogat taim bilong lotu insait long Kristian kantri.

Katolik Sios long PNG na SI salim tok amamas long nupela hetman

KATOLIK Sios long PNG na Solomon Ailan i salim bikpela amamas long nupela Pop Francis husat bai go pas long 1.3 bilien Katolik pipel long wol.

Long wankain taim, nogat man bai opiseli makim PNG long taim ol i wokim opisel instalesen bilong nupela Pop Francis long Vatiken.

Jenerel Sekreteri bilong Konpres bilong ol Katolik Bisop long PNG na Solomon Ailan (CBC-PNG-SI), Pater Victor Roche i tok.

"Long makim Asbisop John Ribat, presiden bilong CBC-PNG/SI na makim tu tu milian Katolik pipel long PNG na Solomon Ailan, mi salim bikpela tok amamas i go long Pop

Francis.

"Bikpela i bin stiaim ol Kadinel long makim em long dispela wok i ken salim Santu Spiritu bilong em long givim em stia bilong go pas long K1.2 bilian Katolik pipel long wol. Em i ken stap olsem strongpela mausman bilong ol turangu," Pater Victor i tok.

Long sait bilong nogat man i opiseli makim PNG long seremoni bilong Pop i opiseli statim wok, Pater Victor i tok dispela i kamap bikos PNG na SI i nogat Kadinel na tu, yumi nogat "Papal Nunsio" o man i makim Pop long PNG long dispela taim.

Taim ol i wokim opisel seremoni long Pop Francis i statim

nupela wok olsem Pop, planti het o ol bikman bilong ol kantri na sios bai makim ol wan wan kantri stap long seremoni.

Pater Victor i tok Kadinel bilong Argentina em Kadinel Jorg Mario Bergoglio bilong Buernois Aires em 115 kadinel i bin sindaun long "conclave" o bung long Vatiken we olgeta dua i pas, na ol i holim ileksen long vot na ol bin makim em long las wik Trinde.

"Em i kisim nem Francis long kamap Pop Francis bihainim biknem Santu Francis bilong Asisii em santu man bilong ol turangu.

"Nupela Pop i laikim bai Katolik Sios i kam long level bilong ol turangu long stap wantaim ol tu-

rangu na i sios bilong ol turangu," Pater Victor it ok.

Em i tok Pop Francis em i namba wan Pop lon kongrikesen bilong ol Jesuit na tu, namba wan Pop i kam long sait bilong Amerika.

Pater Victor i tok ol sios lida, ol jenelis o ol ripota na ol manmeri long dispela graun i luksave pinis long nupela Pop i gat 76 krismas wantaim daun pasin bilong em na rot we ol i save wokim ol samting long Vatiken bihainim pasin bilong ol Pop na Vatiken bilong bipo taim yet i ken lukim sampela nupela senis.

Pater Victor i tok Santu Spiritu i ken givim em stia taim e mi statim nupela wok bilong em.

Hetbisop lukim ol siklain long Gaubin Haus sik

OL siklain bilong Gaubin Luteran Haus sik long Karkar Ailan, Madang Provins i bin gat sans long het bisop bilong Luteran Sios long PNG i raun i go lukim ol na mekim sampela toktok long strongim ol.

Long las wik, Het Bisop, Reveren Giegere Wenge i bin go kamap long Karkar Ailan, bihainim wokabut bilong graun brukim seremoni i bin kamap long kamap long Kar kar Hai Skul long las wik Mande.

Long pinis bilong progrem, Bisop Wenge i bin go slip long Gaubin Ges haus na long wankain taim, em luk luk raun long ol haus sik wod, na bungim ol sik manmeri na lotu wantaim ol bilong strongim ol

na ol i noken pudaun taim ol i stap long haus sik.

Em bin tokim ol long noken wari planti long wanem, God i stap, na pasin bilong wanbel i mas stap na ol i noken tubel.

Em bin tokim ol olsem God i stap oltaim long laip bilong yumi wan wan na yumi mas beten long em bilong wanem, em as bilong laip na bilip bilong yumi.

Gaubin Luteran Haus sik Seplin, em Pasto Kurkur Bair, i bin tok amamas long kamap bilong het bisop long Gaubin na autim tok bilong God long helpim Kristen bilip bilong ol sik man meri, pikinini taim ol i stap long haus sik.

Seplin i tok moa tu olsem

lida i kamap long hap em i makim pes bilong Bikpela Jisas na kamap bilong em i no isipela samting, na God yet i save.

Insait long Gaubin Haus sik, bisop i bin serim tok bilong God bihainim tok piksa bilong liklik boi husat i bin lus, tasol bihain em kam bek long lukim papa bilong em, em i wankain long laip bilong yumi tude.

Em bin tok yumi kam long haus sik, kain kain pen na hevi i bungim yumi, tasol yumi noken tubel. Em i tok God i stap na em bai luk luk moa long stretim sik na pen yumi gat long em olsem, na yumi noken lus ting bilip, tasol bai yumi orait.

Long pinisim tok, Bisop Wenge i bin tok em i go kamap long hap bihainim wokabut bilong graun breking seremoni long bikpela sios bung bai kamap long Karkar Hai skul long 2014, na moa kristen bilong Evanjelikel Luteran Sios long PNG (ELC/PNG) na long ol narapela hap bilong wol olsem German, Amerika, Australia na Wes Papua bai kamap tu long dispela bikpela namba 29 sinod bung long Karkar Hai skul.

Seplin Pasta Kurkur i bin amamas long kamap bilong Reveren Wenge we i soim daun pasin bilong em na go lukim ol sikmanmeri, long Gaubin Luteran Haus sik.



REDI: Het Bisop bilong Luteran Sios long PNG, Reveren Giegere Wenge na ol pasto iredi long brukim graun. Foto: Paulus Tali

Gutpela transport system ken helpim long daunim sik TB

Frieda Kana i raitim

“SIK TB i wok long go bikpela na planti man meri i kisim sik, bikos ol lain i gat sik na i no save kisim na pinisim gut marasin long taim bilong kisim,” Sista Mary Avae, Sista In Sas long 6 Mail TB Klinik, i tok.

Wanpela as bilong sik TB i wok long go antap em bikos, i gat banis bruk i stap long wok bilong rausim (leaking tap) we ol helt wokman meri na ol voluntia i painim hatwok tru long bihainim ol lain i gat sik TB na i wok long kisim marasin. Bikpela hevi olgeta helt klinik i fesim long NCD em ol i nogat trenspot o ka long kisim ol voluntia na wok lain i go stret long haus dua bilong ol TB siklain long sekim ol long marasin bilong ol.

Na i no dispela tasol, nogat, i gat narapela hevi tu mipela i bin painim aut long taim mipela go raun wantaim ol lain wok long TB DOTs Progrem long NCD, olsem olgeta klinik

i no bin gat marasin inap long givim long olgeta sik lain bilong ol bikos nogat trenspot long marasin bai kam long Eria Medikel Stoa.

Sista Avae i tok, i nap long wan wik ol i no bin gat marasin bikos saplai bilong ol long Eria Medikal Stoa i no kam. Nogat trenspot long go na kisim i kam. Dispela em bikpela hevi long NCD, long wanem ol klinik i nogat trenspot.

Sista Mary Avae, i tok em gat foapela wok lain, tupela man na tupela meri. Ol i save wok long Mande go Fraide long 8-kilok moning inap 4-kilok long apinun. Ol i save lukim moa long 40 o 50 sik lain long wan, wan de. Long de we mipela i go lukluk raun long dispela klinik em tripela wok lain i no kamap, na tu ol i salim planti sik lain i go bek, bilong wanem i nogat marasin long klinik. Sista Avae i tok em i givim wan wik saplai marasin long ol na salim ol i go bek.

Sista Mary Avae wantaim ol wanwok bilong save wok hat tru. Stat long Mande em ol i



Ol siklain i wet long kisim marasin bilong ol long 6-Mail Klinik, NCD. Foto: Nicky Bernard

givim saplai marasin long sikman, Tunde em ol i rejistaim ol siklain we arapela klinik i salim ol i kam long testim kus spet bilong ol, Trinde em bilong kisim kus spet bilong ol lain husat i no pinisim gut marasin na ol i kisim sik TB gen Fonde na Fraide em nomol saplai de bilong marasin. I gat olsem 50

pela o moa pipel i save kam rejista long TB long wanwan de. Nau i gat 120 MDR (Multi-Drug Resistent) sevei kes bilong ol lain i no kisim gut marasin na sik gen i stap.

Insait long wan, wan yia, 6-Mail Klinik long NCD i save lukim samting olsem 800 TB sik lain na 200 siklain i save

kam long long Sentral Provins. Na dispela namba i wok long go antap olgeta yia.

Birua i stap nau long kain pasin olsem, bilong wanem narapela binatang bilong sik we i save bikhet long marasin bai tek ova long dispel sik lain.

Sik TB i save ron long win

na kalap i go long ol man i nogat sik tu. 6 Mail Klinik i save lukautim tu ol TB lain bilong Gordons klinik. Six Mail klinik i save lukautim ol siklain bilong ol yet, Gordons Klinik olsem na ol voluntia woka bilong Gordons na Six Mail wantaim i save wok bung long bringim ol sik lain i kam long hausik. Hap bilong Sentral Provins em ol i save lukim ol lain i kam long long Kerega, Setelmen.

Na olsem wanem bai ol pipel ken stopim TB raun?

“Ol i mas pasim maus na nus bilong ol tai mol i kof o kus na ol i mas karapim kus spet bilong ol”. Sista Avae i tok

Ol lain i save kisim MDR taim marasin ol i kolim “Rifampicin” i no wok moa long bodi bilong ol. Foapela kain marasin i stap insait long dispela marasin. Na sikman i mas kisim long fes step em 2-pela mun na kisim ken long nambatu step em long 4-pela mun.

DEPARTMENT OF HEALTH

World Health Organization
Papua New Guinea

HOPE worldwide PNG

World Vision

WORLD TB DAY 24 MARCH 2013

TB is not the issue of patients and health centers alone. This year we will join together and recognize that TB can effect anyone and is everyone's responsibility.

Stop TB

in my lifetime



TOK PISIN NEWS

from Radio Australia
radioaustralia.net.au

Harim TOK PISIN long
Radio Australia
101.9FM
Port Moresby

Tok Pisin Service	
6am - 7am	6080; 7240(KHZ)
7pm - 9pm	5995; 6020; 9710; 1280(KHZ)

OI PNG haus kalabus i mas gat kondom

OL PNG helt saintis i askim gavman long givim kondom long ol haus kalabus long lukautim laip na helt bilong ol kalabus manmeri.

Papua Niugini Institut ov Medikal Riset, i askim strong gavman bilong givim kondom i go long ol haus kalabus long kantri bilong lukautim ol kalausman long noken kisim sik HIV na AIDS.

Dispela askim bilong ol i bihainim wok painimaut, em ol saintis bilong Institut i bin mekim long foapela bikpela haus kalabus long kantri.

Ol dispela saintis i tok ol i save olsem ol kalabusman i save silip wantaim ol narapela kalabusman long haus kalabus, na dispela inap kamapim bikpela hevi long helt bilong ol kalabusman yet, na tu, ol meri bilong ol taim ol i lusim kalabus.

Vanuatu oposisen i tok Indonesia i mas lusim MSG

OPOSISEN lida i tok ol i mas larim Wes Papua i kamap memba bilong Melanesia Spiahet Grup o MSG, na i no Indonesia.

Lain oposisen long Vanuatu nau i askim strong gavman bilong Sato Kilman, long rausim Indonesia long MSG, pastaim long miting bilong MSG bai kamap long Nu Kaledonia long mun Julai.

Ol i bin givim Indonesia kain mak olsem 'obseva' pastaim long bikpela MSG miting long Fiji long yia 2011.

Tasol lida bilong Oposisen long Vanuatu, Edward Natapei, i tok ol Melanesia kantri i noken larim Indonesia long stap insait long wokbung bilong ol, na ol i mas givim ful membasip i go long Wes Papua.

Gavman bilong Sato Kilman i bin sainim wanpela tok orait long wokbung wantaim Indonesia long 2011.

Carr mitim US Sekreteri bilong Stet

FOREN Minista bilong Australia, Bob Carr, na US Sekreteri bilong Stet, John Kerry, i toktok long ol rot we tupela kantri i ken strongim wokbung long Esia-Pasifik long namba wan miting bilong tupela.

Seneta Carr i bin bung wantaim Mista Kerry long Washington, na tupela i toktok long kain we ol soldia bilong Amerika i save kam sindaun long Noten Teritori bilong Australia.

Mista Kerry i tok wokbung bilong Amerika na Australia, em i bikpela samting.

Em i tok pren pasin namel long Australia na Amerika, i gutpela, na i



SASPEK: Ol polisman long India i was na wokabaut wantaim ol saspek man polis i tok ol i mekim pasin reip na stil long wanpela Swis meri turis long Madhya Pradesh.

strongpela tumas.

Tupela i toktok tu long we Australia inap yusim mebasip bilong en long UN Sekyuriti Kaunsil long stretim ol hevi wantaim Siria (Syria), na Not Korea.

Mista Kerry i tok em i ting membasip bilong Australia long Kaunsil bai mekim ol i wokbung gut long dil wantaim ol isu long wol wantaim Syria na Midel Is pis wok, na Not Korea bai go het gutpela moa.

Long wankain taim tu, Seneta Carr i rausim wanpela askim long sapot bilong en long Praim Minista Julia Gillard long wanpela nius konprens long Amerika.

Seneta Carr i rausim ol nius ripot olsem em i no moa sapotim Praim Minista Julia Gillard, na i tok olsem Praim Minista i gat sapot bilong en.

Em i tokim ol niuslain olsem bai gutpela moa sapos ol i tokim em pastaim, bipo long ol i raitim kain ripot olsem.

Em i tok ol dispela nius ripot i

no tru, na ol i no bin panim tok-tok long opis bilong en, long dispela.

Solomon Ailans Premia tok sore long Wol Visin

PREMIA bilong Temotu provins long Solomon Ailans i tok em i sore long mekim ol strongpela toktok agensim Wol Visin (World Vision).

Pater Brown Beu, i bin sutim tok long Wol Visin olsem em i no bin laik wokbung wantaim provinsal gavman long helpim ol pipel bihain long sunami.

Long kirap bilong mun Janueri, wanpela guria na sunami i bin hamarim Santa Cruz long Temotu, na bagarapim planti haus, gaden kaikai, na tenpela pipel tu i bin indai.

Wol Visin, Red Cross, na nesanel disasta menesmen opis i bin go na helpim provins, tasol Pater Brown Beu i tok, em i bin

laikim Wol Visin long toksave long en long ol kain wok em i mekim long provins.

Solomon Ailans dengi fiva wari

DENGI five i kilim pinis tupela pipel long Solomon Ailans, na moa long 100 pipel i gat dispela sik.

Gavman i oraitim pinis, wanpela tingting bilong kirapim wanpela Nesanel Tasfos bilong lukluk na painim ol gutpela rot bilong daunim dispela sik.

Asde (Trinde), ol i mekim wanpela bikpela klinap wok long Honiara taun.

Dengi Fiva em i wanpela sik em tupela kain moskito i save kamapim, tasol dispela sik i no save kamap bipo long Solomon Ailans.

Tom Nanau, Sif Helt Inspekta long Honiara Siti Kaunsil, i tok long we dispela sik i kamap nau long kantri.

PNG-Indonesia boda tred i wan-sait

LIDA bilong PNG Greens Pati, Dorothy Tekwie, i tok Papua Niugini i lusim planti mani tumas long boda wantaim Indonesia.

Dorothy Tekwie, husat i wanpela lida meri long Vanimo, long Sandaun provins, i tok Papua Niugini gavman i mas painim we long stopim bikpela mani na bisnis i go long Indonesia.

Em i tok long nau ya, i olsem planti ol pipel bilong PNG i save krosim boda long Vanimo na i go, bai planti samting long hap bilong Wes Papua na i nogat tred long hap bilong PNG.

Mis Tekwie i tok ol meri bilong Vanimo i lukim dispela nau, na i wanbel long statim wanpela bisnis bilong mekim ol pipel bilong arasait long boda tui go baim ol prodak bilong PNG yet insait long hap bilong Vanimo.


Em i tok dispela bai mekim tu ol pipel bilong PNG husat i save krosim boda, long bai ol i baim ol samting long ol stua we is tap long hap bilong PNG, na i no go long hap bilong Indonesia na lusim planti kina.

Pacific BEAT

4. 5. 6am & 4pm. 5pm
including sport

Listen to Radio Australia
101.9FM Port Moresby

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.



Jada 2013!

Dai bilong lida opim ai



SAPOS ol lida bilong yumi long palamen i no bin save long hevi yumi ol pipel i save karim long sait bilong kisim helt sevis, nau ol i save.

Indai bilong memba bilong Angoram, Ludwig Shulze, i kirapim bikpela bel na tok wari tru namel long ol memba bilong palamen bilong yumi.

Tasol watpo na nau tasol ol i luksave olsem helt sekta bilong yumi i stap long hevi?

Mipela i no laik daunim gutpela wok na tingting bilong helt ministra Michael Malabag.

Insait long tenpela mun tasol, Minista Malabag i mekim planti bikpela wok pinis.

Na i gat longpela rot yet i stap long

em i mas wokabaut, long stretim sindaun bilong helt sevis i go long ol pipel bilong yumi.

Tasol ol lida bilong yumi i noken aipas long hevi bilong pipel.

Hamas gavman bipo i bin pundaun long wok bilong stretim dispela sekta.

Na sapos ai bilong ol lida bilong yumi i op nau tasol taim ol i lukim kofin bokis bilong leit memba bilong Angoram, ol i noken pasim ai moa.

Ol mama, papa, na pikinini bilong yumi long ol busples, i save karim bikpela hevi tru long wokabaut na painim helt halivim.

Ol liklik etpos bilong yumi long ples, i save sot oltaim long ol marasin bilongrausim ol sik we yumi noken lusim laip

long en.

Sapos ol lida bilong yumi i tingting gut na go bek long sekim ol hevi bilong helt long ol yia i go pinis, bai ol i wari tru long hamas laip i lus pinis.

Toktok bilong Minista Malabag i go long ol wan-kabinet memba bilong en, i noken lus long tingting bilong ol lain memba bilong yumi.

Maski yu bikmanmeri, maski yu manimanmeri, wanpela taim yet, bai yu mas go long kisim sevis long ol haus sik bilong yumi.

Na sapos yu go na i nogat marasin, bai yu bungim hevi yet.

Mista Malabag, tok bilong yu i tru.

Mipela i sindaun longpela taim tumas wantaim dispela hevi long marasin i sot,

nogat inap sista o dokta long givim halivim, na nogat inap gutpela ples bilong ol belmama bilong yumi long karim bebi.

Laip bilong lida, nau, em yumi noken kirap nogut long en.

Ol lida bilong yumi, yupela i stap sindaun long sia bilong kamapim senis bilong gutpela bilong yumi olgeta.

Dispela sia na wok yu holim, em mipela pipel i no givim long yu long mekim save long laik bilong yu. Nogat.

Mipela i bilip long yupela, na mipela i sanapim yupela long kisim dispela wok. Nau mipela i laik lukim sevis.

Noken reipim meri

Michael Novingu i raitim

SINGAUT i go long ol yangpela meri long Is Nu Briten long kisim was taim ol i raun o wokabaut nabaut, bikos pasin bilong pek reip i wok long kamap strong long provins.

Presiden bilong Watom LLG long Rabaul Distrik, Samuel Billie, i mekim dispela toktok bihainim wanpela pek reip i kamap long Tavui

namba wan ples long Rabaul distrik, i no long taim i go pinis.

Mista Billie i tok olsem pasin bilong sanap long lain na bagarapim ol yangpela meri i kamap strong long Is Nu Briten.

Moa yet, em i askim ol papamama long lukautim gut ol pikinini meri bilong ol.

Billie i tok dispela kain pasin i no save kamap tumas long provins, na i bagarapim gut nem bilong provins.

“Ol papamama, yupela noken larim ol pikinini meri bilong yupela long go raun na stap wiken wantaim ol kandere o arapela wanpisin, bikos ol i no inap was gut long ol, na dispela pasin nogut i ken kamap long ol.

“Ol pikinini meri, taim yupela i raun, noken harim gris bilong ol yangpela man long go kisim wara o spak. Moa yet, em i tok ol dispela kain pasin long dring spak na ol arapela paul pasin i no stret,

na bai pulim tingting bilong ol man long bagarapim yu.

“Bodi bilong yu em i holi, na yu mas lukautim gut inap yu painim wanpela gutpela patna bilong yu bai lukautim yu long sindaun bilong yu long bihain taim,” Billie i tok.

Em i singaut long ol manmeri bilong ENB long wokbung wantaim long stopim dispela kain pasin nogut i noken kamap long bagarapim ol yangpela meri long komyniti.



Published Weekly, Thursday, for Word Publishing Company, Ltd. P.O. Box 1982, Boroko, NCD Papua New Guinea Telephone: (675) 325 2500 Fax: (675) 325 2579

Email: editorial@wantok.com.pg Websait: www.wantokniuspepa.com Pe bilong wanpela via. 52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager Elizabeth Konga

Editor Neville Choi

Published at Able Building Complex, Sec 58 Lot 02, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.

Selebretim Spring Festival makim Yia Bilong Snek long Basamuk

Mathew Yakai i raitim

LONG Fraide Februari 8, mi wantaim Embaseda bilong Saina long PNG, His Ekse-lensi Qiu Bohua i sanap antap long feri bilong Ramu NiCo, *M.V. Carrie* na kisim wanpla piksa wantaim.

Dispela em long Binnen Haba long Madang taim mipela wokim wanpela ron i go long Basamuk insait long Rai Kos distrik, we Ramu NiCo i gat rifaineri long kamapim nikel na kobalt.

Embaseda Qiu i mekim wanpela de ron long makim maus bilong gavman bilong Saina na tok tenkyu na salim gritings i go long ol wok manmeri bilong Ramu NiCo bikos dispela wik I bin wanpela spesol wik long kalenda bilong Saina, we ol i kolim Luna Nu Yia or Spring Festival.

Taim mipela i kamap long Basamuk, Embaseda i salim tok tenkyu na Saina Nu Yia gritings i go long ol wok lain bilong Saina husat i wok long Basamuk rifaineri na Kurumbukari Main na Madang opis.

"Long taim bilong Saina Spring Festival long yia bilong snek, mi laik makim maus bilong ol wok manmeri long Embasi bilong Saina long PNG na tok amamas i go long menesmen na wok manmeri bilong Ramu NiCo."

"Amamas bilong mipela i go long yupela i ken gat gutpela spring festival, gutpela helt na wok na pasin amamas i mas stap oltaim," Embaseda Qiu i tok.

Embaseda Qiu i tok em i amamas tru long lukim ol wok manmeri bilong Saina i lusim kantri bilong ol long wok wantaim Ramu NiCo long kamapim dispela bikpela nikel projek we bai Saina, Australia na PNG wantaim i kisim gutpela samting long en.

"Mi gat bikpela rispek long yupela long dispela bikpela kontribusen we bai kamapim strong Saina, Australia na PNG taim Ramu NiCo i kamap bikpela na strongpela," Mista Qiu i tok.

Saina Nu Yia or Lunar Nu Yia, em i wanpela bikpela malolo de insait long China, wanpela spesol holide we ol man meri husat i wok longwe long famili bilong ol i save go na bung wantaim ol famili na pren bilong ol, na amamas wantaim.

Ol man na meri bilong Saina husat i wok long ol narapela kantri tu i save go bek long Saina long dispela taim long joinim ol famili bilong ol na amamas wantaim.

Dispela holide em i stap insait long kalenda bilong Saina yet.

Saina bipo i bin gat kalenda bilong em yet long taim yet, na nau ol i save luksave long dispela holide yet.

Gavman bilong Saina na ol bikpela kampani insait long Saina na ol narapela kantri i save luksave na givim tok orait long ol wok manmeri long kisim dispela holide.

Ol save man na meri i mekim



Dispela meri tu i ken danis olsem Michael Jackson ya.



Embaseda bilong China wantaim Mathew Yakai.

wok painim aut na luksave olsem wanpela bikpela migration o wok-abaut bilong ol manmeri insait long wanpela taim long dispela senseri i save kamap long Saina long taim bilong spring festival.

Milian na bilian manmeri insait long Saina i save muv long wanpela o tupela de, long go bek long asples bilong ol.

Ol Saina tu long narapela kantri i save go bek long Saina insait long dispela taim.

Sampela tok win i stap olsem Air Niugini i save gat wanpela ron tasol long wanpela wik i go kam long Hong Kong, tasol long taim bilong Spring Festival, ol i surukim tupela moa flight o ron bilong balus bikos planti Saina insait long PNG i laik go bek long Saina.

Ramu NiCo em wanpela bikpela nikel projek bilong Saina i kam long PNG na stap insait long Madang.

Plantu wok man em ol bilong Saina na long kain taim olsem spring festival, ol i painim hat stret long go bek bikos ol i gat wok long mekim.

Ol dispela wok lain i gat famili, meri pikinini, papa na mama na dispela wik holide em wanpela taim tasol ol i save bungim olgeta famili long amamas wantaim.

Tasol ol i stap longwe long Saina

na hat stret long go bek.

Long dispela as tasol, Embaseda bilong Saina i kam kamap long Basamuk na i tok tenkyu long hatwok bilong ol long kamapim dispela nikel projek we bai Saina, Australia na PNG i kisim gutpela samting long en..

Ol Siaman bilong Ramu NiCo, Zhao Shimin, tu bin ron wantaim Embaseda na surukim wankain tok tenkyu i go long ol woklain.

Long makim Spring Festival, ol PNG na Saina wok manmeri long Basamuk i joinim han na kamapim bikpela selebresen we i lukim bikpela kaikai. na tu bikpela amamas pasin olsem danis, singsing karaoke, na ol narapela pilai na ol prais samting tu ol i bin givim aut.

Kampani Presiden, Zhao Shimin na Philip All corn, Jeneral Menesa bilong Basamuk Refaineri wantaim ol narapela bikpela management tim i bin stap long hamamasim dispela selebresin.

Ol asples lain tu i bin joinim dispela selebresen wantaim ol singsing danis bilong PNG, na bin kamap long lukim ol dispela pilai we ol i no bin save lukim bipo.

Mista Shimin i givim tok tenkyu na gritings bilong em na tok em i amamas stret long lukim ol manmeri i lusim kantri bilong ol na kam

long PNG na kamapim dispela projek we bai plani lain i kam long bihain taim.

Em i tok tu olsem dispela nambawan nikel projek insait long PNG em i kamap long operesen nau na olsem, em i askim olgeta man meri long PNG na ol narapela kantri long wok wantaim na kamapim dispela projek i go bikpela.

Taim selebresen i kamap long Basamuk, wankain taim long Saina i save gat bikpela selebresen we bai yu lukim ol danis dragon na paitim ol bikpela dram.

Spring Festival i gat longpela stori bilong em.

Long bipo yet long Saina i gat wanpela kain selebresen ol i kolim "nian", we ol i bilip olsem i gat wanpela kain enimal we i save kaikai man na kamapim planti birua, na tu save kamapim na bagarapim laip bilong ol manmeri, abus na planti samting.

Long rausim dispela "nian", ol Saina i save putim ol retpela mak antap long dua bilong ol, laitim ol tos na kreka long nait bikos ol i bilip olsem "nian" save pretim retpela kala na ol bikpela kain nois.

Long moning bai ol manmeri i amamas bilong wanem ol i bilip olsem "nian" em ol i ronim na kisim nupela yia i kam.

Long neks moning, bai yu lukim ol pikinini i go na tok tenkyu na tokim ol lapun na papa na mama bilong ol gutpela helt na longpela laip.

Bekim long em, bai ol i givim ol retpela envelop o pasel wantaim mani i stap insait.

Ol wanwan yia i save gat nem bilong ol yet na dispela yia em ol i kolim em yia bilong "snek".

Ol Saina lain long Ramu NiCo husat i wok long Kurumbukari, Basamuk na Madang i hat long go bek long Saina bikos ol i gat wok long kamapim dispela nikel projek i go bikpela na yumi olgeta i ken benefit.

Ol i lusim ples, papa na mama, meri na pikinini na i kam long PNG long wok mani na tu long kamapim kantri bilong yumi, PNG.

Tasol dispela pasin kalsa na kastom em ol i no lusim. Em i stap long blut bilong ol yet.

Selebresen long Basamuk i pinis na mi ron i kam bek long Madang, tasol wanpela tingting i kisim mi stret, "yu ken lusim kantri bilong yu na go long narapela kantri na traim long stailim tok Inglis o Saina, na kaikai na dres olsem ol waitman, tasol kantri bilong yu na kalsa na kastom em bai stap wantam yu yet."



Program bilong Wanwan De

De - Mande - Fraide

6am - 10am - Sankamap show - Host: Kas.T
6:00am - Major Nius Bulletin
6:15am - Komuniti Notis Bod
6:25am - Taim Bifo - wanpela singsing b'long bifo.

Tasol
9:30am - Final aua cruz
10am - 3pm - Morin Trek na Belo Pack
10:00am - Major Nius Bulletin - YUMIFM Nius Senta

2:00pm - Major Nius Bulletin - YUMIFM Nius
2:05pm - YU TOK - komiuniti awenes program
2:45pm - YUMI PANIM WOK Segment

6:10pm - 7:00pm Mon kamap sho
6:45pm - Komuniti Notis Bod
7:00pm - 9:00pm - COCA COLA GARAMUT

Sarere belo cruz - Host: Tuluvan Vitz
1pm - 2pm - Sarere Belo Taim Dedikesen
2:00pm - NIUS - YUMIFM Nius Senta

RADIO AUSTRALIA TOK PISIN PROGRAM HARIM LONG: 101.9 FM

6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

TUNDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

TRINDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

FONDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

FRAIDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

SARERE - Nait
7PM Stesen op - Ol Nius Hetlain/Program Priviu
7.05PM Musik na Chit Chat

SANDE - Nait
7PM Stesen op - Ol Nius Hetlain/Program Priviu
7.05PM Musik na Chit Chat

Raun wantaim Wantok kru ...

Singsing bilong helpim Wes Papua



Ol yangpela Wes Papua soim tumbuna danis bilong ol...

Nicky Bernard i raitim

OL musik manmeri bilong Papua Niugini na ovasis bai raitim singsing bilong Wes Papua long helpim ol kamap fri na kisim Indipendens.

Pasifik Ailan, wantaim tu long Australia na Nu Silan.

Dispela bikpela konset em gavana bilong Nesenel Kapitel Distrik(NCD) bai go pas long en na em i askim ol biknem musik manmeri bilong yumi long raitim ol singsing long helpim ol Wes Papua long

kamap fri.

Planti ol musik manmeri tu i stap baksait long Gavana Parkop long mekim dispela bikpela konset i kamapgut, long wanem yumi PNG mas go pas long helpim ol Melenesia brata susa bilong yumilong Wes Papua.

dispela konset em bai bikpela tru long wanem planti ol musik manmeri bilong ovasis bai kam pilai.

Em tok tu olsem musik tasol bai karim toksave go aut long ol narapela kantri taim ol harim singsing na kisim mining bilong ol musik singsing.

"Novemba em bai yumi lukim ol sampela musik manmeri bilong Australia, Nu Silan, Fiji, Soloman Ailans, Vanuatu na yumi PNG ol dispela musik lain bai kirapim kempen bilong yumi," Parkop i tok.

EMTV Television Guide

FONDE MAS 21, 2013

4:57 AM G AUSTRALIA NETWORK
5:00 AM G JOYCE MEYER
5:30 AM G EMTV NEWS REPLAY
6:00 AM G TODAY
6:00 AM G CLASSROOM BROADCAST

6:00 PM G EMTV NATIONAL NEWS
7:00 PM G NRL ROUND 3 - GAME 1
Storm vs. Bulldogs
9:00 PM G RESOURCE PNG EP#63
9:52 PM G SOKA XTRA
10:00 PM G RAIT MUSIK
11:00 PM G HOT SPOT EP#7
11:30 PM G ELITE MUSIC ZONE EP#4
12:00 AM G EMTV NEWS REPLAY

FRAIDE MAS 22, 2013

4:57 AM G AUSTRALIA NETWORK
5:00 AM G JOYCE MEYER
5:30 AM G EMTV NEWS REPLAY
6:30 AM G TODAY
09:00 AM CLASSROOM BROADCAST
9:00am Grade 7 Mathematics
9:50am Grade 7 Science
10:40am Grade 8 Mathematics
11:20am Grade 8 Science

1:00pm Grade 6 Mathematics
1:50pm Grade 6 Science
2:30pm DEPI Program
3:30 PM G KIDS KONA
3:30 PM SHARKY'S FRIENDS
4:00PM SURPRISES
4:30 PM G DAYS THAT SHOOK THE WORLD
5:30 PM G FUNNIEST HOME VIDEO SHOW
6:00 PM G EMTV NATIONAL NEWS
7:00 PM G IN MORESBY TONIGHT
7:30 PM G NRL ROUND 3 - GAME 2
WESTERN TIGERS vs. EELS
9:27 PM G EMTV TOKSAVE
9:30 PM G EMTV NEWS REPLAY
10:30 PM G AUSTRALIA NETWORK

SARARE MAS 23, 2013

4:57 AM G AUSTRALIA NETWORK
6:30 AM G EMTV NEWS REPLAY

7:30 AM G ULTIMATE GUINNESS WORLD RECORD #14
8:00 AM G YOGA SUTRA Ep#37 - Hamstrings (FINALE)
8:30 AM G AUSTRALIA NETWORK
5:30 PM G OLSEM WANEM Ep#10
6:00 PM G EMTV NATIONAL NEWS
6:30 PM NRL ROUND 3 - GAME 4
TITANS vs. SEA EAGLES
8:30 PM NRL ROUND 3 - GAME 3
ROOSTER vs. BRONCOS
10:30 PM G EMTV NEWS REPLAY
11:00 PM G AUSTRALIA NETWORK

SANDE MAS 24, 2013

4:57 AM G AUSTRALIA NETWORK
6:00 AM G EMTV NEWS REPLAY
6:30 AM G IT IS WRITTEN

7:00 AM G HILLSONG
7:30 AM G AUSTRALIA NETWORK
8:00 AM G YOGA SUTRA - Ep#1
8:30 AM G BUSINESS PNG
9:00 AM G MARTIN MYSTERY EP#13/20
9:30 AM G OLSEMWANEM- Repeat
10:00 AM G RESOURCE PNG -Repeat
11:00 AM G AROUND THE WORLD IN 85 PLATES Ep# 14/15
12:00 PM G AUSTRALIA NETWORK
2:00 PM G NRL ROUND 3 - GAME 5
SHARKS vs. WARRIORS
4:00 PM G NRL ROUND 3 - GAME 6
PANTHERS vs. RABBITOHS
6:00 PM G EMTV NATIONAL NEWS
6:30 PM G TOKPIKSA EP#10
7:00 PM G NRL ROUND 3 - GAME 7
RAIDERS vs. DRAGONS
9:00 PM G 60 MINUTES - EP#6
10:00 PM PGR MOVIE: "The Blind Side"

TORO



BIABIA



KANAGE



TOKWIN

Ol nupela pipia trak we?

Long laswik NCD bin baim ol nupela trak bilong karim pipia long NCD.. Nau ol i stap we? Pipia pulap long Rainbow estate na ol dok long hap mekim bikipela piknik long hap.. Ol dispela nupela trak i stap long tapot bilong NCD long bilasim opis o?

Plis salim ol kam na kolektiv ol rabis long hap.. Long wankain taim tu plis stretim bikipela pothol long maus rot bilong Rainbow, bikos ol mangi bilong setlemen long baksait i wok long karamapim hul long graun na

kolektiv moni long papamama husat i gat kar long hap. Het pen pinis!!!!

Sisen bilong langlang (flies)...

Toksave long pablik olsem bikipela ren i kamdaun na karim olgeta langlang tu i kam.. Stop N Shop long Rainbow em bagarap tru long ol langlang.. Plis lukautim yupela gut long ol kaikai bilong yupela bikos sik taifoid i save kamap long ol langlang...

Mi fesman long kisim belpen pinis..Tokwin..


Kamapim Death Penalti hariap...

Mi sapotim tru toktok bilong Jastis Minista, Kerenga Kua long kamapim death penalti. Yumi lukim planti kilim dai nating pasin i kamap na kot i go isi tru long dispela asua lain.

Planti stil pasin long pablik moni, planti reip pasin i wok long kamap bikipela tru bikos nogat wanpela man o meri i respekim lo bilong kot. Sapos death penalti kamap, ating ol man bai stat long respektim loa bilong kot.


Sapos yu painim man bilong pulim rop bilong hangamap man, salim aplikesen kam tasol na mi sainim..

Tokwin Tasol...




Painim ol dispela provins bilong yumi:

MANUS	NU AILAN
IS NU BRITEN	WES NU BRITEN
BOGENVIL	MOROBE
MILEN BE	NCD
WESTEN	ORO
IS SEPIK	SANDAUN
MADANG	ENGA
SIMBU	GALP
SENTRAL	WESTEN HAILANS
ISTEN HAILANS	SAUTEN HAILANS



Ansa bilong las wik Sudoku



Ansa bilong las wik Pasol

EMTV Television Guide

11:30 PM G HILLSONG Rpt. ...	2:30pm DEPI Program	5:30 AM G EMTV NEWS REPLAY
12:00 PM G NATIONAL EMTV NEWS - Replay	3:30 PM G KIDS KONA	6:30 AM G TODAY
12:00 AM G AUSTRALIA NETWORK	3:30 PM SHARKY'S FRIENDS	9:00 AM CLASSROOM BROADCAST
	4:00PM SURPRISES	9:00am Grade 7 Mathematics
	4:30PM SLEEPOVER CLUB	9:50am Grade 7 Science
	5:00 PM G KITCHEN WHIZ	10:40am Grade 8 Mathematics
	5:30 PM G FUNNIEST HOME VIDEO SHOW	11:20am Grade 8 Science
	5:57 PM G CRIME STOPPERS	1:00pm Grade 6 Mathematics
	6:00 PM G EMTV NATIONAL NEWS	1:50pm Grade 6 Science
	7:00 PM G NRL ROUND 2 - GAME 8 - RABBITOHS vs. SHARKS	2:30pm DEPI Program
	8:57 PM G EMTV TOKSAVE	3:30 PM G KIDS KONA
	9:00 PM G SPORTS SCENE EP#07	3:30 PM SHARKY'S FRIENDS
	9:30 PM G EMTV NEWS REPLAY	4:00PM SURPRISES
	10:30 PM G AUSTRALIA NETWORK	4:30PM SLEEPOVER CLUB
		5:00 PM G KITCHEN WHIZ
		5:30 PM G FUNNIEST HOME VIDEO SHOW
		6:00 PM G EMTV NATIONAL NEWS
		7:00 PM G HAUS & HOME EP#6
		8:00 PM G BUSINESS PNG EP#9
		8:30 PM PGR NIKITA S1/EP# 10

- "Dark Matter"	3:30 PM SHARKY'S FRIENDS
9:30 PM G EMTV NEWS REPLAY	4:00PM SURPRISES
10:30 PM G AUSTRALIA NETWORK	4:30PM SLEEPOVER CLUB
	5:00 PM G MR. MAKER #07
	5:30 PM G FUNNIEST HOME VIDEO SHOW
	5:57 PM G CRIME STOPPERS
	6:00 PM G EMTV NATIONAL NEWS
	7:00 PM G FACT FILES - Living By The Books #2
	8:00 PM G TOK PIKSA Ep#9- Repeat....
	8:30 PM PGR The Mentalist S1 Ep#10 "Red Brick and Ivy"
	9:30 PM G EMTV NEWS REPLAY
	10:30 PM G AUSTRALIA NETWORK

Ol Program na Kilok i ken tenis oltaim...

Raun wantaim Kanage olgeta wik



NEM: Joshua Malken
KRISMAS: 30 (Man)
ADRES: PO. Box 4132, Destiny F/Ship, Lae Morobe Provins
SAVE LAIKIM: Go Lotu, pilai musik, singsing na preisim God, ritim Baibel, harim gospol musik, mekim gaden na laikim wanpela lotu meri husat i save go lotu long stap wantaim oltaim.

NEM: Elijah Hombo
KRISMAS: 23 (Man)
ADRES: Nisol Elementary School, PO. Box 538, Lae 411, Morobe Provins
SAVE LAIKIM: Raitim leta, Pilai soka, Volibol, Harim musik, Ritim Niuspepa, Go Lotu, Tok pilai na mekim pren.

NEM: Danny Henz
KRISMAS: 38 (man)
ADRES: PO. Box 4731, Lae, Morobe Provins
SAVE LAIKIM: Pilai gita, Go Lotu, Pilai soka, wokim haus na gaden.

NEM: Stanford Jackson
KRISMAS: 18 (Man)
ADRES: Komnaik Stationary Ltd, PO. Box 182, Mendi, SHP
SAVE LAIKIM: Go Lotu, Watsim TV, Pilai ragbi tas, Tok pilai na stori wantaim ol lain.

NEM: Dulcie Ben Mandi
KRISMAS: 23 (Meri)
ADRES: M&S Tsang Cash & Carry, PO. Box 19, Madang, Madang Provins
SAVE LAIKIM: Ritim Baibel, Harim gospol musik, Pilai gita, Go Lotu, Serim tok bilong God na ol samting long ol arapela, Wasim klos na Klinim haus.

NEM: Mocksy Gudego
KRISMAS: 19 (Meri)
ADRES: C/- Joshua Sono, PO. Box 77, Kiunga, Westen Provins
SAVE LAIKIM: Pilai Musik, Harim musik na ritim buk.

NEM: Ivan Gudego
KRISMAS: 17 (Man)
ADRES: C/- Joshua Sono, PO. Box 77, Kiunga, Westen Provins
SAVE LAIKIM: Go Lotu, Harim musik na painim poro.

NEM: Peter Kul
KRISMAS: 22 (Man)
ADRES: St. Edward Ambang - C/- PO. Box 28, Banz, Jiwaka Provins
SAVE LAIKIM: Raitim leta, Ritim buk, Pilai gems, Tok pilai, Harim musik na watsim TV.

NEM: Junior B. Dii
KRISMAS: 31 (Man)
ADRES: College of Distance Education, PO. Box 2071, Yomba, Madang Provins
SAVE LAIKIM: Go danis, Harim musik, Watsim TV, Tok pilai, Kisim wara na go swim

NEM: Yakias James
KRISMAS: 18 (man)
ADRES: Annia Village C/- Kanabea, Catholic Mission, PO. Box 220, Kerema, Gulf Provins
SAVE LAIKIM: Ritim Niuspepa, Pilai musik, Pilai soka, volibol, basket bol, Harim Stori.

Kon takisman...

KANAGE kamap olsem wanpela takisman bilong NCDC na raun kolektim mani long Renbo maket. Em go kolektim K2 long olgeta selsmanmeri long hap.

Em tokim ol olsem, em tasol wok long klinim dispela maket long nait na em i gat rait long kolektim K2 long olgeta husat i kam maket long hia.

Nau em go lukim ol meri Hula husat i salim pis long hap na askim long K2 takis long pis bilong ol.

Nau wanpela meri Hula i askim em long ID bilong em na Kanage mekim tok em lusim long beg bilong em. Nau meri Hula askim em long givim nem bilong em so em ken go askim man bilong em husat i bos long NCDC Maket na supavaisa bilong klinim olgeta maket long NCDC.

Kanage kirap nogut long harim olsem. Hariap tru em kirap na tok, Oii!! Yu misis bilong Bos ah??? Maski, yu ken salim ol pis bilong yu, yu em fri tasol, nogat takis. Kanage tok olsem tasol na em tek-of!! Long sem taim masta bilong meri i kam long sekim misis bilong em.

Misis tokim em olsem i gat



wanpela takisman bilong maket i stap hia long Renbo o nogat?

Man bilong em i bekim na tok dispela maket hia i no maket tru tru olsem na nogat wokman bilong NCDC i stap long hia.

Taim olgeta manmeri i harim olsem, ol i painim Kanage long kilim em na kisim bek mani bilong ol.

Tasol nogat, bagaman em lus pinis na go hait long blok baksait long Renbo viles.

Stilim mobail pon...

Kanage baim wanpela top klas nupela mobail pon (K150) na so-of stret. Em ringim misis bilong em na tokim em olsem em i gat wanpela mobail pon we yu ken lukim TV na kisim poto na harim olgeta stesin bilong redio.

Nau long apinun bagaman go sanap long 4mail bastop na kisim bas i go long Badili na em sanap arere long dua stret.

Laip i kamap hatpela tumas

Dia Laipain,

Mi bin bungim wanpela meri 5-pela krismas i go pinis taim mi go stap wantaim ankol bilong mi long ples bilong em.

Mitupela i save toktok long wanpela narapela long fon tasol olgeta taim.

Mi wanpela man we i save stap isi na i no save toktok tumas, tasol mi tingting long marit klostu nau.

Ol papa-mama na lain bilong dispela meri i save olsem mitupela i raun wantaim, tasol taim mi rait i go long ol papa-mama long laikim bilong mi long maritim pikinini bilong tupela, papa bilong em i brukim leta bilong mi na tromoi.

Mi save tingting planti long sem pasin bilong dispela meri long mi, tasol em i save toktok long ol narapela mangki gut tru.

Ating dispela em bikos long papa bilong em i brukim leta bilong mi?

Sampela taim mi laik ronawe wantaim meri ya i go long ples bilong mi we mi lainim ol samting long soim pasin laikim bilong mi long em.

Pasin laikim (Love) bilong mi long dispela gelpren bilong mi i wok long kilim mi na i bikipela tumas.

I gat we bai Laipain i ofaim sampela helpim taim laik pasin i kamap bikipela na strongpela olsem dispela mi gat long en?

Obsesd Lover

Dia Pren,

MIPELA i tok tenkyu long yu long rait i kam long Laipain na serim wanem wariyu gat long en. Mipela i save kisim wankain pas long planti ol yangpela insait long kantri.

Mipela i laik save bilong wanem na papa bilong dispela meri i brukim leta bilong yu taim em i save long prensip bilong yu tupela.

Mipela i laik askim yu sampela askim we bai helpim yu long kliarim tingting bilong yu.



Yu bin mitim papa-mama o ol lain tru tru bilong dispela meri o nogat taim yu tingting long raitim leta bilong yu?

Olsem na meri i wok long sem long toktok long yu na save toktok gut wantaim ol narapela mangki?

Ating i mas olsem, em i yangpela gen long yu o ating bikos em i stap long asples bilong em na i pilim orait long toktok wantaim ol ples mangki?

Pren, yu gat taim long yu yet long toktok long ol prensip isu bilong yu tu o nogat?

Dispela meri yu laik maritim i save tu long plen bilong yu o nogat?

Mipela i laikim yu long stop na lukluk na skelim dispela o kwesten mipela i askim.

Yu tingting long ronawe wantaim em i go long ples bilong yu. Yu ting dispela bai helpim em long lusim pasin sem bilong en?

Pren yu gat gutpela tingting, tasol yu askim long tingting bilong em tu o nogat?

Olsem wanem long papa-mama na ol lain bilong em, ol bai pilim olsem wanem taim yu ronawe wantaim pikinini meri bilong ol?

Mipela i tingting strong sapos meri yu laik maritim i laikim yu tumas olsem yu laikim em o nogat?

Olsem tasol yu bin tokaut long wari bilong yu.

Yu tok olsem yu laikim em tumas taim yu tupela i toktok long mobail fon, tasol laik bilong em long yu i strong o nogat?

Sapos yu tupela i laikim yu tupela tumas orait olsem wanem na meri i save sem long toktok long yu?

Sampela ol raskol i lukim Kanage wantaim mobail pon bilong em na giaman go sanap arere long dua bilong PMV na wetim PMV long tek-of.

Long taim PMV i laik tek-of, ol i giaman long askim Kanage long kilok long mobail pon na Kanage rausim ekspensiv mobail pon bilong em na sekim wanem taim nau. Em laik tok, em hapas 4 seim taim bas em mov. Wanpela raskol i tromoi han i go tasol na rausim ekspensiv mobail pon long han bilong Kanage na tek-of.

Kanage em bikmaus, tasol bas em givim siksti pinis na i hat long kalap. Taim em go kamap long haus, misis laik lukim ekspensiv mobail pon bilong kanage na askim em. Kanage em putim het go daun na kra i isi isi tasol.

Dillan Jay - Renbo

Ol skwat!
 Salim ol gutpela Kanage tok pilai i kam long:
 Kanage Tok Pilai
 P.O. Box 1982,
 Boroko, NCD
 Port Moresby.
 Email: jwilson@wantok.com.pg

Pren olsem wanem long trupela laikim yu gat save long en?

Mipela i laikim yu long painim mining bilong dispela tupela wod, LOVE na LUST. Yu bai lukim mining bilong laik bilong yu long dispela tupela wod.

Yu bai painim olsem mining bilong tupela wod and skelim ol, bai i helpim yu long stop na lukluk long wanem samting i gutpela bilong bihain bilong yu.

Dispela i ken helpim mekim koreksen long rong pasin na tu, long stiaim yu long gutpela rot long painim mining bilong trupela laikim.

Love na prensip bilong yu i mas gat gutpela sindaun bilong em long holim ol wanem samting yu laikim long en o ol gol bilong yu long bihain taim.

I gat ol kwaliti we yu ken prektisim long stap gut long laip bilong yu. Dispela em ol sampela; Love (unconditional love), trust, honesty, respect, em dispela ol sampela tasol.

Long buk Baibel, ol dispela em ol kaikai bilong Holi Spirit o fruits of the Holy Spirit; yu ken ritim long Galesia 5: 22 & 23. Long ves 23 i tok olsem "I nogat wanpela loa i tambuim ol dispela kain pasin."

Sapos yu gat Baibel, mipela i laikim yu long ritim dispela tok bilong God long yu yet.

Pren bilong yu,

Laipain

Sapos yu gat wari o hevi, rait i kam long dispela etres: Lifeline Counselling Services, P O Box 6047, BOROKO, National Capital District, PNG. Yu ken ringim opis long telepon namba 3260011 o 3261680. O sapos yu stap long NCD, kam na lukim mipela long opis bilong mipela long Waigani. Mipela i no inap putim trupela nem bilong yu long niuspepa, tasol mipela bai putim ol wari na hevi bilong yu.
Laipain

Trening em ki bilong muvim polis fos

BUSTIN ANZU i raitim

BIHAIN long planti toktok na tingting long kamapim wanpela gutpela polis fos bilong Papua Niugini, Nesinol Gavman i luksave long wanpela han bilong en, we e mi ting e mi ken wokim bikpela senis insait long polis.

Wanpela bikpela tingting bilong nau dispel gavman, em long lukautim wok bilong polis insait long kantri. Wantaim dispela, gavman i makim pinis bikpela mani long mekim dispela wok.

Trening, wanpela bikpela han bilong polis fos, long lainim na tisim wok polis insait long kantri na tu, ol narapela Pasifik kantri i kisim dispela luksave.

Aninit long Human Risos dairektoret bilong Polis, Royal Papua Niugini Konstabuleri o RPNCGC (Royal Papua New Guinea Constabulary), Trening bai kisim bikpela luksave insait long faivpela yia bilong dispela gavman.

Na dispela luksave em long kamapim wok bilong trening long intanesinol stendad we trening bilong polis bai kamap bikpela na nambawan olgeta.

Ol bai wokim ol nupela klasrum, haus bilong slip bilong rikrut, ples kaikai, haus bilong slip bilong ol trena o tisa na nupela disain bilong dispela koles na antap long dispela, em nem senis bilong polis koles.

Miting

Long pinis bilong las mun (Februari, 2013), Nesinol Polis Trening Miting i bin kamap long Lae long Morobe Provins. Bikpela tingting bilong dispela bung em long kisim tingting bilong ol rijinol na Provinsel trening opisa na ol wokman meri long Bomana Polis Koles long ol dispela senis bai kamap long ol yet.

Insait long dispela wanpela wik, ol trena i bin paitim toktok na bungim tingting long kamapim planti ol gutpela save long ron bilong dispela trening han bilong polis.

Ol trena i bin amamas wantaim dispela bung we ol i skelim tingting na tu, kisim planti ol gutpela luksave na kamapim pinis piksa long olsem wanem dispela polis koles bai kamap. Ol i bin givim planti tingting long wanem, ol yet i save long wanem samting dispela koles i laikim.

Ol tu i save olsem dispela koles i nidim o laikim sapot bilong ol trena na ino inap long ron em yet. Olgeta mas bungim tingting long kamapim wanpela gutpela koles bilong polis insait long kantri.

Nesinol Gavman i luksave long dispela hevi bilong trening na putim bikpela mani we ol i ken yusim long kamapim wanpela gutpela trening ples, we i ken helpim polis insait long kantri long kisim gutpela save na trenim planti ol Papua Niugini long kisim wok olsem polis na sevis kantri.

Tu, dispela em long strongim na kamapim gutpela polis, bihainim as tingting bilong gavman, wantaim driman bilong em long



Martin Goode: Trening Menesa bilong Trening long Bomana Polis Koles, Martin Goode i mekim wanpela presentesen long taim bilong bung.



Nema Mondiai: Ekting ACP bilong Momase polis Sif Superintendent Nema Mondiai i opim dispela bung bilong ol.

kamapim planti polisman meri long namba bilong em.

Sampela bilong ol dispela senis em long stretim gen Bomana Polis Koles long haus, bareks, klasrum na senisim ol skul bilong ol rikrut na insevis kos wantaim. Ol provinsel trening opis tu bai kisim luksave wantaim dispela mani na tu, senisim ples bilong trening tu. Lae Trening senta bai kisim dispela luksave pas na bihain ol narapela trening senta.

Dispela tu i sut long as tingting bilong Komisina bilong Polis Taomi Kulunga long senisim polis fos olgeta o Modenaisesen (modernisation), bihainim driman tingting bilong em o 2011-2020 koporet plen bilong em.

Gavman Fanding

Nesinol Gavman bilong Papua Niugini i bin sapotim dispela tingting bilong Trening wantaim mani mak bilong K276m we bai ron insait long 5-pela yia olgeta.

Komandent bilong Bomana Polis Koles Superintenden Naua Vanuawaru i bin toktok long dispela taim bilong bung olsem dispela kain mani em namba wan taim ol i kisim na Trening i kisim na ol mas mekim save long yusim dispela mani.

Vanuawaru i tok ol i gat planti wok long mekim long sait bilong

trening tasol bikpela samting em ol mas mekim o kamapim gut polis koles bilong ol. Dispela koles ino bin kisim sampela luksave longpela taim tru inap dispela gavman na dispela Polis Komisina.

"Dispela em namba wan taim mipela i kisim kain mani olsem long gavman na mas mekim wok gut. Olsem na dispela miting em long kisim tingting na save bilong yupela ol trena long olsem wanem bai mipela i yusim mani na autsait yumi ken yusim long kamapim gut trening bilong polis," Vanuawaru i bin mekim dispela nek long bung bilong ol long Lae long las mun.

Dispela mani em bai ol i yusim insait long 5-pela yia, tasol program bilong Lae mas stap na ron wankain olsem Bomana Polis Koles insait long tupela yia paslain.

Taim dispela miting i kamap long Lae, sampela bilong ol dispela wok i bin stat pinis long Bomana.

Senisim Bomana Polis Koles

Ol wanwok bilong Royal Papua Niugini Konstabuleri long Australia, we ol i kolim long Papua Niugini - Australia Polising Patnasip (Australia Policing Partnership) o PNG - APP i givim bikpela sapot long sait bilong plening. Ol i kamapim plen bilong

nupela koles.

Dispela em long kamapim ol rot insait long koles, ol nupela haus, nupela bareks bilong rikrut, nupela mess, nupela ples bilong prektis na trening o gymnasium, na bilasim gut pereid graun tu.

Dispela nem olsem Koles em long taim bipo na nau wantaim ol nupela senis insait long polis fos na kantri long developmen, ol i luksave olsem dispela nem koles mas senis igo long narapela nem, we em i ken kisim luksave olsem em ino bilong trenim ol polis rikrut o in-sevis. Em mas i gat narapela ol trening tu.

Lae Trening Senta

Lae Trening Senta long Bumbu Polis Bareks em wanpela namba wan trening senta autsait long Bomana we save holim planti ol bikpela bung na trening bilong polis na tu ol narapela trening bilong ol narapela oganaisesin tu.

Ol bai stretim ol olupela ples bilong slip, kamapim nupela opis spes na kamapim tu sampela nupela haus slip na klasrum bilong lainim samting.

Rijinol Trening Opisa bilong Momase Inspekta Paul Bai i amamas long dispela senis long wanem, long ai bilong em yet, dispela trening senta i laik bruk igo daun na kamap pipia.

Em i tokim Wantok Niuspepa olsem long dispela bikpela mani, Trening long Lae bai kisim moa long K3m, we bai yusim insait long 20-pela mun na bai stat long Julai na Ogos long dispela yia.

Plen bilong Nesinol Gavman (MTDP na Vision 2050)

Tingting bilong Gavman em long strongim na kamapim namba bilong polis igo antap. Sampela yia igo pinis, namba bilong polis i sanap olsem 3, 000 polisman meri. Dispela namba nau i kam antap long 5, 000.

Tingting bilong Gavman nau em long bringim dispela namba igo long 8440 long yia 2015 na 24, 000 long 2030.

Dispela i putim planti presa long trening long kamap wantaim plen bilong em yet long kisim planti yangpela Papua Niugini long joinim polis.

Trening nau i plen olsem em bai kisim samting olsem 240 long wanpela yia long kamap wantaim dispela mak long 2015.

Koles ino inap kisim moa long wanpela yia olsem na 240 long wanpela yia em inap long mak bilong em.

Gutpela Ikonomi na Populesen Gro

Plantu wok bisnis na populesen bilong kantri tu i wok long gro igo antap.

Wok maining na narapela bisnis insait long kantri tu igo antap. Nau yet, plantu wok maining i kamap long olgeta hap graun insait long kantri. Plantu maining tu i stat pinis.

Dispela nau i skruim strong bilong mani igo antap na kamapim

plantu wok long kantri. Dispela nau i ken kamapim plantu hevi tu long sait bilong painim wok bilong ol yangpela manmeri.

Populesen nau i sanap long 7 milien tasol ino longtaim, dispela namba bai senis igo antap.

Tasol namba bilong polis i stap daunbilong yet. Olsem na Gavman i gat bikpela tingting long kisim namba bilong polis igo antap.

Nesinol Senta bilong Eksalens (National Centre of Excellence)

Ino long taim, Bomana Polis Koles bai senis igo long dispela nem, Nesinol Senta bilong Eksalens. Dispela koles bai givim trening we i gat luksave bilong Nesinol Trening Kaunsil bilong Papua Niugini.

Plantu ol buk bilong rikrut trening bai senis long kisim ol narapela program igo insait long tisim ol.

Wankain tu, long ol in-sevis trening bilong ol polisman meri tu. Plantu ol nupela lo na program tu wok long kamap na ol bai kisim igo insait long lainim ol polis manmeri ol i stap aut long fil na go long kisim trening.

In sevis bung olsem Prosekusen, CID, Trefik, Komputa na ol narapela trening bilong polis bai kisim luksave long ol dispela senis i wok long kamap.

Dispela tu bai kamapim gutpela rot bilong ol narapela gavman ejensis o lo enfosmen long kamapim trening bilong ol long ol wokman meri bilong ol tu. Ino bilong polis tasol.

Wankain tu, ol narapela Pasifik Ailan kantri tu i ken kam kisim save long wok bilong polis o narapela ejensi tu.

Em tu bai kamap wanpela skul bilong ol narapela Pasifik Ailan polis long kam kisim trening o kamapim rikrutmen bilong ol tu.

Modenaisesen

Long tingting bilong Polis Komisina Taomi Kulunga long senisim pasin bilong polis fos we ol i kolim long Modenaisesen, em bai go gut wantaim nem, Nesinol Senta bilong Eksalens.

Modenaisesen em i min olsem polis bai senisim olupela pasin bilong ol long polising long kamap wantaim nupela stail bilong holim lo na oda.

Kulunga i bin tok long ol mas go bek long ol liklik o basic samting gen. Dispela ol liklik samting i ken lukim ol bikpela senis insait long polis na long we bilong ol long mekim wok bilong ol.

Modenaisesen na Nesinol Senta bilong Eksalens bai igo wantaim we ol nupela rikrut na ol nupela in-sevis memba bai kisim gutpela skul wantaim.

Sampela samting bai polis fos i lukluk long dispela Modenaisesen em long givim ol nupela yunifom we i gat nem bilong dispela polisman o meri, lusim olupela fil yunifom na werim pik hat, wankain olsem ol opisa i save werim.

I go moa long pes 20...

Trening em ki bilong muvim polis fos



Ol trena bilong Momase: Ol polis trena bilong Momase sindaun na skelim tingting long taim bilong trening.

Meri i gat pawa: Tupela polismeri trena husait i kamap long dispela bung na givim sampela toktok i sanap kisim piksa.

OL Poto: Bustin Anzu



I kam long pes 19...

Pasim tingting o risolusen

Trening i gat bikpela wok long mekim long kamapim wanem samting ol i pasim long miting long karim kaikai.

Ol i bin luksave olsem dispela wok em ino bilong wanpela man o meri tasol long kamapim dispela tingting.

Em wok bilong olgeta trena insait long kantri long luksave na kamapim wanbel pasin long kamapim wanpela gutpela trening bilong polis.

Sampela gutpela risolusen ol i bin pasim long dispela wan-wik bung bilong ol long Lae.

Na wanpela bilong ol dispela risolusen em long luksave long ol provinsel trena long ol dispela senis bilong Bomana Polis Koles we laik kamap.

Em i tru long wanem, ol provinsel trena em ol i stap wantaim ol polisman meri long wan wan provins na ol mas i gat bikpela toktok o luksave long ol dispela senis tu.

Samari o toktok karamapim olgeta

Insait long faipela yia wantaim K276m em planti mani tumas we Nesinol Gavman i bin givim long wok bilong Trening. Ol i gat bikpela wok long mekim nau.

Planti olpela samting bilong skul na wok em ol i bin yusim long Bomana tasol wantaim dispela mani, ol dispela samting bai lukim bikpela senis.

In-sevis bung tu mas lukim planti ol lo mas stap insait long ol buk bilong skulim ol polisman meri.

Nem senis long koles na Modenaisesen em sampela bikpela samting we bai kamap aninit long nau Komisina bilong Polis Taomi Kulunga na em laik lukim ol dispela senis i kamap.

Dispela ol senis tu i ken kirapim bel bilong ol polisman meri long luksave long ol narapela senis i wok long kamap long outsait long polis sevis.

Wok bisnis, maining, developmen, populesen na ol narapela hevi bilong lo na oda ken kamapim ol dispela senis long mekim polis mas kisim was olgeta taim long wok bilong ol.

Bihain long dispela bung long Lae wantaim ol provinsel trena bilong ol, na planti gutpela toktok long kirapim gen trening, ol i gat bikpela wok long mekim.

Wantaim lonsing (launching) bilong polis Modenaisesen long neks mun long Pot Mosbi, em bai makim nupela stat bilong mekim wok bilong polis insait long kantri.

Em taim nau bilong mekim wok bilong ol yet.



Wantok

NIUSPEPA BILONG YUMI OL PNG STRET!

Subscribe for your WANTOK Niuspepa now!!

All you have to do is fill in the form below and arrange for payment and we will dispatch your copy of the **WANTOK** to you each week. We publish the **WANTOK** 52 times a year.

AIRMAIL SUBSCRIPTION RATES (includes postage & handling)
 PNG K220.00, Australia/New Zealand LS\$110.00, Asia/Pacific US\$150.00
 Rest of the World US\$210.00

NCD HOME DELIVERY
 K0.80t per copy or K65.00 Home Delivery & K52.00 Office pickup subscriptions per copy each issue annually.

Please send me.....copy/copies of WANTOK for one year.

I enclose Kina/USD..... as full payment.

Name.....
 Postal Address.....
 City.....
 State/Province..... (abbreviation)
 Country..... Zip/Postal Code.....
 Street Address.....
 Telephone..... Fax.....
 Email.....
 Signed..... Date.....

Address: Subscriptions
 Word Publishing Company Ltd
 PO BOX 1982
 Boroko, NCD 111
 Papua New Guinea

Attn: **Luke MEK** (Circulation & Distribution)

Givim veliu long ol asples kaikai

YUSIM ol asples kaikai na givim moa veliu o manimak long ol bilong ol rurel komyniti long kantri, em i wanpela bikipela wok bilong Nesanel Agrikalsa Risets Institut (NARI) na ol wok risets bilong en.

sen i wok long traim, givim trening, na skulim ol hauslain long ples long ol save bilong strongim ol kaikai, mekim winmani, na strongim kaikai sekyuriti bilong ol lokal spais, na graun kaikai na prut.

em kari paura ol i mekim long tumerik; flaua ol i mekim long yam, taro na banana; na o jem ol i mekim long ol frut olsem painap, popo na faiv-kona o sta frut. Ol dispela nupela kaikai prodak em i sip moa long mekim, na rot bilong

mekim, em i no nidim ol bikipela masin. Ol kain kaikai olsem kaukau na yam i ken givim kain kain tes na manimak bilong en i ken go antap sapos yumi mekim i go long ol arapela prodak olsem sips na ol dais, taim

yumi kukim long hotwara, na silipim insait long muli wara o sol. Ol dispela prodak em ol i ken holim i stap longpela taim na ol i ken yusim tu long taim bilong bikipela drai, o taim kaikai i sot. Dispela i ken halivim ol

hauslain long sait bilong kaikai. Ol fama i ken lainim ol dispela teknoloji, na yusim long haus, bai ol i ken mekim ol kari, flawa, sips na jem bilong ol yet. Na tu, ol i ken salim long kisim winmani.

NARI Fud Teknoloji sek-



LAINIM: Agronomis James Ernest (lephan) i trenim ol fama long M'Buke Ailan, Manus provins, long prosesim ol lokal frut bilong givim moa veliu long ol.



EM NAU: Ol fama long M'Buke Ailan, Manus provins i soim ol frut jem ol i mekim long painap bihain long ol i kisim skul long NARI long kirap bilong dispela yia.

Wanpela Tred na Komes grup go long Angobe

WANPELA grup bilong Tred na Komes Indastri Dipatmen i go long Angore PDL 8 eria long dispela wik long bungim ol pipel na mekim ol wok redi long wokabaut bilong minista na

Sif sekreteri long neks mun, Epril 21.

Minista Richard Maru i tokaut long dispela samting long dispela wik.

Em i tok as long wokabaut bilong ol i go long eria em long kisim tok klia long husat i trupela papagraun siaman na Bot bilong ol Ambrela Kampani na ol Blok Kampani, na namba tu, long toktok wantaim ol long ol rot we gavman i laik fandim ol rbisnis bilong ol, yusim ol Bisnis Developmen Gren (BDG) olsem ol i bin tokaut pinis long LBSA.

Minista Maru i tok em nogat tingting long holim bek Angore PDL 8 BDG, tasol long stopim sampela lain

i stilim ol mani.

"Mani i bilong ol grasrut papagraun na mi wantaim gavman olsem minista we i lukautim dispela eria bai lukim olsem ol papagraun i yusim ol mani long kirapim ol bisnis long gutpela rot i bihainim loa aninit long LBSA," Minista Maru i tok.

Em it ok Dipatmen na em yet bai peim ol lain husat i gat ol agrimen ol i sainim pinis.

Long wankain taim, Mista Maru tok Dipatmen o em yet bai peim tasol ol papagraun i gat ol agrimen we ol i sainim pinis.

Long wankain taim, Mista Maru tok em bai askim ol palamen memba bilong dispela hap long wokabaut wantaim em i go long Angore na bungim ol pipel long mekim klia ol samting na kamap long gutpela luksave na ol rait papagraun i ken kisim ol mani bilong ol.

Stadi long kirapim deiri fam long Baiyer Riva Distrik

Gavman bai karimaut wanpela wok stadi long kirapim wanpela deiri fam bilong kamapim ol mit, milk o susu na ol narapela deiri prodak long Mul-Bayer Ilektoret long Westen Hailans Provins.

Minista bilong Tred, Komes na Indastri, Richard Maru, i makim nesanel gavman na tok aut long dispela bihain em na sampela arapela gavman min ista i bin raun i go long Baiyer Riva Distrik long sotpela taim i go pinis long dispela mun.

Ol narapela minista em Minista bilong Petroleum na Eneji, William Duma na Minista bilong Woks na Implimentesen, Francis Awesa.

Mista Maru i tok gavman i papa long bikipela hap graun long hap,

inap long mak bilong 6.000 hekta long Baiyer Riva na tu, em i gat wanpela ketel stesen long hap.

Mista Maru i bilip olsem graun ya i gat inap wara na ol hap we ol animel i ken hait malolo gut aninit long ol diwai na kaikai. Na olsem, graun i gutpela long lukautim ol kau, sip-sip na ol kain animel olsem .

"Nau gavman i bildim rot namel long Baiyer Riva na Madang, bai deiri bisnis i kamap gut long wanem, bai pe bilong trenspot long kisim ol prodak i go long maket i go daun," Mista Maru i tok.

Tasol Mista Maru i salim tok lukaut long ol pipel olsem ol i mas redi long lusim graun bilong gavman we ol i yusim long wokim gaden taim projek i stat.

easter offer



K650 + K40
FREE Credits

ZTE N960

Features:

- FM Radio
- Bluetooth
- Micro SD Card
- High Definition Video & Camera
- UK 3G Rev A Internet Access
- Tethering & WiFi Hotspot
- Wi-Fi, WLAN, USB Tethering
- Email, Gmail, Yahoo
- Capacity Touch Screen



K500 + K40
FREE Credits

ZTE E908

Features:

- Camera
- Bluetooth
- SD Card Slot
- High Definition Video
- 3G, EVDO Rev A
- Tethering & WiFi Hotspot
- Music & FM Radio
- Email, Gmail, Yahoo, Facebook, Youtube, Twitter
- Touch Screen

Purchase any of these **Smartphones**

this Easter and get **K40** worth of **FREE** Credits

Call 24/7 Customer Care on 345 6789

Promo Starts March 13th & Ends April 6th 2013

All phones are Approved by NICTA





GLASIM RAMU NICO PROJEK



Wanpela Ramu NiCo, Wanpela Komuniti

Ramu NiCo luksave long Nesenel Maining Sefti Wik long olgeta Wok Eria

RAMU NiCo Menesmen (MCC) i luksave long Nesenel Maining Sefti Wik na i kamapim ol program bilong en long bringim aut aweanes bilong helt, sefti na enviromen long olgeta wok eria bilong en long Kurumbukari Main, Basamuk Rifaineri na long Madang Bes.

Helt, Sefti na Enviromen (HSE) Dipatmen bilong Ramu NiCo i go pas long redim program bilong Nesenel Maining Sefti Wik long Ramu NiCo na dispela i lukim olgeta dipatmen i givim taim long luksave long wanem samting em sefti long wan wan wok eria bilong ol.

Progrem i bin stat long Mande wantaim wanpela video konferens, we i lukim olgeta tripela sait bilong Ramu NiCo Projek long KBK, Basamuk na Madang i lukim ol sinia menesmen i bung long harim ol bikpela toktok long sait long sefti na enviromen.

Toktok long video konferens i lukim Deputi Jeneral Menesa bilong HSE Dipatmen, Johnson Chen i givim toktok long sait long Operesen Enviromen Menesmen Permit (OEMP) we Dipatmen bilong Enviromen na Konsevesen i givim long Ramu NiCo long karimaut wok bilong en.

Mista Chen i tokaut long ol bikpela eria insait long OEMP we i mas lukim sampela moa wok i kamap long stretim gut na redim long bikpela intenol odit bai i kamap long sekim gut ol dispela wok HSE i mekim.

Em i tokaut tu olsem DEC i bin givim wanpela interim permit long Ramu NiCo we taim bilong dispela i pinis long mun Mas long dispel, na ol bai wetim long kisim nupla kwik taim bihain.

Bihain long toktok bilong Mista Chen, Presiden bilong Ramu NiCo, Mista Gao Yongxue i givim toktok long moa luksave i mas stap long sait long sefti na olgeta wokman meri bilong Ramu NiCo i mas holim strong dispela bilip na gutpela tingting long sefti.

Bihain long em, Bod Siaman bilong Ramu NiCo Menesmen (MCC), Mista Zhao Shimin i givim strongpela toktok long olgeta lain menesa long olgeta Dipatmen long luksave long sefti long ol eria long wok ples bilong ol na strongim dispela stret.

Dispela miting i bin kamap long Madang na i lukim tu wanpela in-

spekta bilong Mineral Risos Atoriti (MRA), Simon Gena i bin stap. Mista Gena i tokaut tu long tok-amamas Sif Inspekta ov Mains i givim long Ramu NiCo long gutpela luksave em i giving Nesenel Maining Sefti Wik long las yia.

Mista Gao i tok amamas tu long ol wokman meri bilong Ramu NiCo husat i soim gutpela intares long promotim Nesenel Maining Sefti Wik long las yia we i kamap long niuspepa, TV na redio long PNG.

Dispela yia tu i lukim wankain stat bilong intares i kamap long olgeta tripela wok eria bilong Ramu Projek, long Kurumbukari, Basamuk na Madang Bes.

Naispela kala i kamap gen long Basamuk wantaim wanpela mas na pereid we i lukim ol wokman meri i mas werim yunifom na wok-abaut. Ol ples lain i lukim na bihainim na mekim ples i narakain na nais tru.

Ol lain long Basamuk i promotim sefti aweanes tu i go long ol skul olsem Gawar praimer skul na tu i bin gat program long kamapim helt klinik long Mingming viles long tude (Fonde).

Kurumbukari Main tu i bin gat planti selebresin wantaim ol sumatin bilong Usino Praimeri skul i go long main na harim ol awenes toktok. KBK tu i karim aut ol posta sefti kompetisin na ol helth awenes wantaim sefti na ol narapla.

Long Madang bikpla opis, ol Fire Sevis long Madang i kamapim wanpla bikpla demonstresin long kilim paiya na tu ol polis i givim skul toktok long draipim kar seif. Displa selebresin bai pinis long Sarere displa wik.



Wanpela opisa bilong Madang Opis i laik traim long kilim paia bihain long ol skul toktok i kam long Madang Paia Sevis.



Ol sumatin i kamap long Kurumbukari Main long selebretim Sefti Wik Wantaim ol main wok lain.



Wanpela bilong ol Sefti Posta Kompotisin long Basamuk Rifaineri.



Ramu NiCo redi long givim

Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisanim.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikpela wok konstraksen long namba tu hap bilong 2008. I kam inap nau, olgeta bikpela konstraksen wok long Krumbukari main sait na Basamuk rifaineri i pinis, na projek i stap redi long kisim komisani o tok orait long mekim wok. Long wol tu, dispela kain hariap sanapim em i no kamap bipo long wanpela kain bikpela projek olsem, na i daunim olgeta

salens bilong graun na masin bilong mekim wok.

Ol dispela namba i soim kliia mak bilong wok mipela i pinisim:

- Moa long 4.5 miliar kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil bilding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paipain)

'Wanpela Ramu NiCo, Wanpela Komuniti'





Bazz ragbi lig bilong Isten Hailens go insait long fainol nau, olsem na tupela brata tim bilong Garden Hills i traim strong long stap insait long fainol.



Ol Spot Eksen poto long wiken...

Ol Poto Nicky Bernard.

Kosa Foster i toktok long tim bilong em Isten Sta long namba wan hap bilong pilai.



Longpela bilong Westpac i strong tumas long BSP semi fainol bilong praivet netbol kompetisen.



Pilaia bilong Brothers i ron na slip antap best aim Stingers pilaia i tok em autim em long sofbol pilai bilong ol man.

- Weekend Sports Draws -

Round 8 Draw: Telikom - NSL

23/3/2013	1:00PM	Hekari Utd FC	Vs	FC POM	SIG	POM
23/3/2013	3:00PM	Welgris FC	Vs	Besta PNG Utd FC	IKS	LAE
23/3/2013	1:00PM	Gigira Laitepo Morobe FC	Vs	WNB Taur FC	IKS	LAE
23/3/2013	3:00PM	NC Civil Oro FC	Vs	Eastern Stars FC	SIG	POM

PMWSA INC DRAW

Saturday, 23 March 2013
DIAMOND ONE

TIME	TEAMS	TEAMS	GRADE	REMARKS
9.00	Admiralty Sisters	v Stingerz Wolves	U/16	POMWSA - R2G3
10.30	Gazelle	v Wantoks	B	POMWSA - R2G7
12.00	Admiralty	v Stingerz	B	POMWSA - R2G7
13.30	Wolves	v Bears	A	POMWSA - R2G7
15.00	Admiralty	v Stingerz	A	POMWSA - R2G7

DIAMOND THREE

TIME	TEAMS	TEAMS	GRADE	GRADE
9.00	Chebu Bears	v Gazelle Wantoks	U/16	POMWSA - R2G3
10.30	Wolves	v Bears	B	POMWSA - R2G7
12.00	United Sisters	v Chebu	B	POMWSA - R2G7
13.30	Chebu	v Gazelle	A	POMWSA - R2G7
15.00	United Sisters	v Wantoks	A	POMWSA - R2G7

TOKSAVE: Salim ol spots dro bilong yu kam long Feks; 325 2579, e-mel; bveo@wantok.com.pg o kam lusim long Wantok Niuspepa opis long Able Building Complex long Central Waigani, NCD.

Susa gem bilong volibol



werim ol su olsem long ragbi na soka bai ol i noken wel na pudaun.

Tasol ol i save pilai insait long haus tu antap long strongpela kot olsem bilong volibol.

Sampela loa bilong dispela i save senis liklik long loa bilong pilai autsait, antap long gras.

Stail bilong paitim bal insait long fisbol tu i krangki liklik long stail bilong volibol.

Long fisbol, yu mas pasim han bilong yu olsem yu laik paitim boksen, na paitim bal wantaim.

Yu ken paitim bal tu wantaim longpela hap bun long han bilong yu.

Fisbol long PNG

Sapos fisbol i kamap long PNG, planti manmeri bai lainim hariap tru bilong wanem em i klostu wankain olsem volibol we planti bilong yumi save gut pinis.

Tasol long wankain taim, em bai kisim longpela taim liklik long pulim planti sapota na pilaia bilong wanem dispela ol wankain lain husat i bihain volibol mas painim taim long go sapotim, lainim o pilai fisbol tu olsem nupela spot.

Wanpela rot long mekim kain nupela spot i kamap em long soim ol loan a stail bilong pilaim i go long ol pikinini na sumatin bai ol i kim kisim hariap na bihainim wantaim inap ol i kamap bikpela.

Dispela bai gutpela program tu long developim dispela nupela spot.

Narapela rot em long wokbung wantaim kain spot olsem volibol bai ol manmeri ken lukim olsem narapela stail bilong pilai wanpela gem we i klostu wankain olsem gem ol i save gut pinis long en.



BAL: Ol fisbol bal i wankain olsem bilong volibol.

SAPOS bel bilong yu i bin sut liklik long kalap i kam autsait long balus wantaim parasut bilong yu las wik taim yumi stori long Skai sefing (Sky Surfing), orait, noken wari, dispela wik bai yumi kam bek daun long graun.

Spot bilong yumi long dispela wik em Fisbol (Fistball).

Dispela spot i klostu wankain olsem volibol na sapos yu man bilong pilai volibol em bai yu tok ol i wankain tasol.

Na samting tru em tupela i no wankain stret, i gat sampela samting i krangki long ol we bai yumi luksave ol nau.

Histri bilong gem

Fisbol i stat long Yurop (Europe) na ol rekot i soim em i stat long yia 240 aninit long was bilong Empera (Emperor) bilong Rom (Rome), Gordian III.

Ol i bin painim tu sampela rul o loa bilong pilaim gem long Itali (Italy) we i bin kamap long 1555.

Wanpela ripot bilong Johann Wolfgang Goethe long 1786 i bin stori liklik long wanpela fisbol gem i kamap namel long 4-pela man bilong Verona na 4-pela bilong Venis.

Dispela ol pilaia i kam long ol bikpela famili husat ol i gat biknem na luksave insait long sosaieti bilong ol.

Jemeni (Germany) em ples we fisbol i kamap strong tru na ol i stat long kamapim ol kompetisen tru long 1893.

Ol i karim tu dispela spot i go long Saut Afrika, Kanada na Amerika taim ol i raun na mekim ol wok bilong ol.

Nau, Intanesenel Fisbol Asosiesen i bilip olsem moa long 100, 000 manmeri save pilai dispela spot olgeta hap long wol.

Stail bilong pilai

I gat tripela kain stail bilong pilai fisbol, wanpela em bilong ol man, narapela em ol meri na narapela em bilong ol junia o ol liklik mangi.

Long gem bilong ol man, longpela bilong pilai graun em inap 50m na bikpela bilong en em i 20m.

Wanpela lain i save brukim longpela bilong fil long namel we ol i save pasim net olsem long volibol.

Long namel mak, ol i save bihainim tripela mita i go bek long wanwan sait bilong fil na makim narapela lain gen.

Dispela lain em i ples bilong sev olsem long volibol, tasol long volibol, ples bilong sev i save stap long baksait bilong kot, long hia, em i stap long fran, klostu long net.

Astingting bilong pilai em i olsem long tenis na volibol we yu mas paitim bal i go daun long sait bilong narapela tim, longwe long ol pilaia bilong ol long traime na kisim poin.

Long fisbol, yu ken paitim bal taim em i stap antap yet o bihain long em i paitim graun pinis na kirap.


Yu bai kisim poin taim narapela tim i no hariap long paitim bal i kam bek na spit o ron bilong bal i pinis na gem dai o i go isi.

Tim husat i winim tu o tripela set i save winim gem.

I gat 5-pela pilaia tasol long fisbol na ol i no save sensim posisen bilong ol raunim kot olsem long volibol.

Ol fisbol gem i save kamap antap long graun na gras, i no olsem volibol na tenis we i save kamap antap long wanpela kot.

Dispela i mekim na ol fisbol pilaia i save



PILAI GRAUN: Ol mak na sais bilong fisbol kot.



PAITIM: Long fisbol, yu mas pasim han bilong yu na paitim bal.



KALAP: Wanpela pilaia i traime long paitim bal bipo em i go autsait long lain.



GO ANTAP: Ples bilong sev insait long fisbol i save stap fran long kot, i no long baksait olsem long volibol.

PNGRFL Lonsim nupela Tim Kumuls

...Mal Meninga kamap Het Kosa

Nicky Bernard i raitim

PNGRFL siaman Don Fox na Spot Minista Justin Tkatchenko i tokaut long nupela Tim Kumuls bai gat nupela profesional progrem wantaim nupela het kosa.

Mal Meninga, husat em kosa bilong Kwinslen Maroons long 7-pela yia olgeta na ol winim Stet ov Orijin, i kamap het kosa bilong nupela Kumuls tim.

Don Fox i tok yumi no inap long sindaun bihain na lukim ol narapela kantri i kamap ol dispela progrem na kamap gutpela tim bilong ol, em tok tu olsem PNG, ragbi lig olsem nesinel spot bilong yumi na yet yumi wok long go daun yet wantaim ol progrem.

Dispela makim kamap bilong het kosa, bihain long ol kumuls bin go daun pilai wantaim South Sydney long Febuari dispela yia na lus

long ol.

Dispela sem tim bin pilai wantaim Australia PMs 13 na klostu winim ol long pinis bilong yia go pinis (2012) na ol bin stap nating inap long pilai kam long Sydney.

Spot Minista i tok dispela kain pasin bilong redim tim long wanpela mun i no gutpela long Tim Kumul olsem na dispela nupela progrem na nupela sempion kosa Tim Kumul bai kamap wanpela strongpela tim.

Dispela progrem bai stap 5-pela yia olgeta long strongim tu ol pilai na tu kamapim ol nupela pilaia long skul taim ol laik pilai ragbi lig.

Papua Niugini gavman i givim ful sapot long PNGRFL long dispela progrem na ol bai stap bihain long helpim long wanem kain rot.

Kosa bilong Kumuls Adrian Lam, i tok dispela tingting bilong em long kamap dispela kain progrem

i stap na em tok tenkyu long PNGRFL long kamapim, em toke m bai wok klostu long Mal Meninga long mekim Tim Kumuls kamap wanpela strongpela tim na yumi ken amamas long karim fleg bilong yumi raun taim wanpela bikpela pilai kamap long PNG.

"Mi save raun go kam long PNG klostu 30-pela krismas nau na mi save lukim planti ol yangpela man save laikim tru ragbi, na mi amamas tai mol ringim mi na askim na mi tok yes tasol long kamap olsem het kosa bilong Tim Kumuls, mi save bai mi kamapim gutpela progrem bilong Kumuls," Meninga i tok.

Dispela progrem bai mekim ol pilai bai stap fit, strong na spit long olgeta yia, taim wanpela bikpela pilai kamap ol bai redi tasol na go pilai, ol Kumuls pilai tu nau bai stap long pei sapos ol mekim go insait long Tim Kumuls.



Het Kosa Mal Meninga wantaim Kosa Lam sanap wantaim sampela Kumuls long taim bilong Lonsing. *Poto Nicky Bernard*

Kemele Hela Wigman gat fainol skwat

Samuel Peter Koim i raitim

KEMELE HELA Wigman wantaim strongpela mensemen bilong em, bai kam strong long dispela sisen 2013, wantaim planti ol biknam pilaia insait long kantri na ragbi lig.

Joseph Omai, Kewa Kili na Wer Mark bilong Muruks, David Loko bilong Mioks, na planti nupela pilaia tu bai karim flek bilong nupela provins.

Ol narapela pilaia husat stap insait long 25 man skwat em: Andrew Ipi, Chris Lai, Felix Tanguie, Jerry Tapara, Johnny Kema, Leon Cletus, Mark Mulipe, Michael Mapu, Oliver Kerry, Pastor Koke, Phelimon Agilo, Randy Joseph, Raymond Haluma, Richard Moore, Ronnie Tenza, Samson Ene,

Samuel Igipe Sok, Spiro Thomas, Steven Mark, Wesa Tenza na Robert Sokpe.

Ol developmen skwat em: Aleto Sesemona, Dickson Cashflow, Dickson Tasi, Rex Yamo na Stanthorn Albert. Kosa Stanley Hondina i tok, ol i kisim lo dispela mangi long redim ol long neks yia. Em i tok em gat bikpela tingting long kirapim ol yangpela na nupela ragbi pilaia na dispela em stat tasol bilong planti moa long kam.

Kemele Wigman Mensemen i sanap olsem: Kosa: Stanley Hondina, Asisten Kosa: Jack Kereme, Het Trena: Sopa Milfred, Asisten Trena: Kawage Gagmai, Tim Menesa: Nick Sambu, Asisten Tim Menesa: Dick Mara.

Tude Fonde, bai olgeta pilaia i bung long Mendi na trening bai stat long tumoro Fraide.

Telikom kisim neming rait

...Golf Pennants kik ov gen

TELIKOM PNG i givim narapela sapot gen i go long Royal Pot Mosbi Golf Klub wantaim K70,000 bilong koperet kompetisen we bai kik ov long dispela Sande.

Telikom bin kamap sponsa tu bilong yia i go pinis na tu em kamapim wanpela tim bilong em long narapela 10-pela koperet tim.

Long yia i go pinis tu, tim Telikom bin kam bihain long Starland Dragons husat i

bin win long Golf Pennants bilong 2012.

Dispela yia 11-pela tim gen bai soim pes long Golf Klub long soim stail bilong ol, dispela pilai sapos long kik ov long namba 17 de bilong mun Mas tasol long ren na pilai graun i wok long wet.

Telikom PNG bai stap long ples bilong pilai wantaim kominikesen samting bilong ol na sapotim ol tim husat bai pilai long dispela Sande.

Lions na Muruks kam insait long Digicel Kap

PNGNRL i tok orait long tupela tim bilong Hailans long stap insait long resis bilong Digicel kap long dispela yia.

Dispela tupela tim em Mendi Muruks na TNA Lions bin putim olgeta pepa wok bilong ol long dispela wik tasol long kisim ples long stap insait long resis bilong bikpela ragbi lig kompetisen.

Kam bilong dispela tupela tim bai mekim mak bilong tim bai resis long Digicel kap i go antap long 10-pela tim olgeta.

Jenerel Menesa bilong Digicel Kap Hubert Warupi i

tok dispela tupela tim i stre-tim olgeta pepa-wok na ol samting we PNGNRL i askim ol long mekim na dispela ol bod i amamas na kisim ol kam insait long resis.

Olgeta tim long Hailans bai stap long wanpela yia provisinal lis long lukim olsem ol sponsa bilong ol ken mitim ol samting PNGNRL tok long en.

Digicel kap bai kik ov long Mun April 14 na olgeta dispela 10-pela tim bai traim long mekim ol sponsa bilong amamas long taim bilong Digicel Kap pinis.

i kam long bek pes

Samuel na Garap bai mekim histri

Ol i ken holim narapela na tromoi em i go daun long graun o brukim het bilong em wantaim strongpela bun long han na lek bilong ol.

Tupela paitman wantaim i wok long trening hat i stap na ol i gat planti ekspiriens tu long kikboksing, boksing na Tai Boksing yet long mekim dispela nait i kamap wanpela bikpela nait bilong tupela na ol sapota bilong ol tu.

Garap husat ol i save kolim em olsem "Flash" i kisim dispela nem long spit bilong em long pait.

Em i gat gutpela spit na strong na i ken paolim gut

tru birua bilong em sapos em i no was gut.

Garap i gat 51 profesenol Muai Tai pait pinis long Australia we wanpela em i wol taitol pait long 2010 taim em i bin lus long Bruce McPhee.

Tasol Samuel i no suruk long dispela rekot bilong Garap, em tu i gat rekot bilong em yet na i tok em i lukluk tasol long bungim Garap insait long ring.

Samuel i gat 6-pela profesenol Muai Tai pait tasol long Australia tasol em i no nupela long pait.

"Mi save olsem Lee i gat planti ekspiriens long Tai Boksing tasol mi no inap

suruk long dispela salens.

"Mi wok long trening hat na mi bai kamap long winim dispela pait tu," Samuel i tok.

Garap i gat bilip long strong na save bilong em yet long pait tasol em i tok em bai no inap daunim Samuel.

Em i save olsem Samuel tu i wanpela gutpela paitman na bai no inap isi long em olsem na em bai was gut long Samuel.

Tupela man wantaim i kamaut long ol kikboksing skul bilong Stanley Nandex aninit long PNG Kikboksing Asosiesen (PNGKBA) na i

stap insait long planti ol amata (amateur) na profesenol kikboksing na boksing pait bipo ol i go insait long Muai Tai.

"Mi luk fowet tasol long dispela pait na tu mi amamas olsem nem bilong mi tupela wantaim bai stap insait long histri bilong dispela spot long kantri," Samuel i tok.

Tupela paitman wantaim i kisim trening nap ait long Australia aninit long ol biknem paitman, trena na promota na i gat bilip long ol yet olsem dispela save i ken helpim pait bilong ol nau nait.

Garap i save trening wantaim McPhee, husat i bin winim em long wol taitol na Samuel i bin trening wantaim bipo Wol Kikboksing Sempion, Tim Drury na nau wantaim sempion Miks Masol Ats (MMA), Muai Tai na Kikboksing paitman, Francis McDonald long Kens (Cairns).

Samuel i tok em i gat bikpela respek long Garap tasol insait long ring, em bai no inap isi long em.

"Long taim bilong pait em bai mi tupela i paia lait stret long stet i go inap long laspela belo i karai," em i tok.

Pait bilong tupela bai bikpela pait long tete nait bihain long sampela anda kat (under card) pait na tu 8-Men tonamen, we 8-pela man bai pait inap wanpela tasol i kamap wina.

Samuel i singaut long ol wantok bilong em long Ji-waka husat i stap long Mosbi long kamap na sapotim em.

"Dispela em i wanpela bikpela pait bilong mi na mi bai givim olgeta save na strong bilong mi long karim nem bilong provins, femili na klap bilong mi na mi bai amamas tu long lukim yupe-la long hap," em i tok.



NEW PREMIUM TUNA

DIANA

PROUDLY PNG MADE

DIANA Hot & Spice
 DIANA Mildly Spiced
 DIANA Mildly Spiced
 DIANA Mildly Spiced
 DIANA Barbecue Flavour

Mekim nem

Samuel na Garap bai mekim histri

Andrew Molen i raitim

LONG tete nait bai Lee Garap na Alfred Samuel i mekim histri olsem ol namba wan paitman long resis insait long wanpela Muai Tai (Muay Thai) pait long Papua Niugini. Tupela bai resis long winim PNG taitol long 66kg divisen pait bilong tupela we bai kamap long Sports Inn hotel long Mosbi. Man i win bai kisim taitol belt tasol long wankain taim bai em i kamap olsem namba wan sempion bilong dispela pait insait long kantri.

Moa long Pes 27.



SOIM HAN: Samuel i redi long pait na han bilong em tu i gal nem bilong "Muay Thai" i pas long en.

PHOTO: ANDREW MOLEN



Sharks i ken lusim Carney - Pes 25

Wes Nu Briten lukluk long Namba 7 PNG Gems - Pes 26



Valvoline

PMV DIESEL OIL

PMV OIL BILONG YUMI

BOROKO MOTORS

PORT MORESBY	325 5255
LAE	472 1144
MT HAGEN	542 1933
TABUBIL	649 9048
KIMBE	983 5035
MADANG	422 2659
KOKOPO	982 8193
GORDKA	532 3552

Email: info@borokomotors.com.pg
 Website: www.boroko-motors.com